

明  
詩  
別  
裁  
集





明詩別裁集卷九目錄

張佳胤 四首

梁有譽 二首

吳國倫 六首

徐中行 二首

宗臣 三首

張九一 一首

王世懋 二首

潘緯 一首

張邦伊 一首

明詩別裁集卷九目錄

戚繼光 一首

歐大任 四首

張元凱 一首

陳鶴 二首

徐渭 一首

沈明臣 二首

唐詩 一首

黃姬水 一首

袁景休 一首

嵇元夫 二首

居節 一首

孫良器 一首

王叔承 一首

王穉登 三首

汪時元 一首

蔡文範 二首

黃洪憲 一首

李三才 一首

朱期至 一首

馮琦 一首

朱國祚

三首

徐學聚

一首

湯顯祖

一首

徐燠

十五首

陶望齡

一首

高攀龍

五首

傅新德

一首

區大相

四首

鄭明選

三首

歸子慕

九首



明詩別裁集卷九

沈德潛確士

長洲

同輯

周準欽萊

張佳胤

佳胤字肖甫銅梁人嘉靖庚戌進士官至兵部尚書加太子太保贈少保謚襄敏。少保詩晴露警拔陳卧子

重其壯雅稱

為李王後勁

烏蠻灘

烏蠻灘前石齒齒盤渦轉地驚濤起險絕空傳灩

瀨堆估客帆檣愁欲死萬里江源異域來右出夜

郎左交趾青天赤日毒霧合跼跼飛鳶墮深水我

本西梁道上人瘴鄉奔逐胡為爾停舟一奠伏波

祠丹荔黃蕉前致詞英雄心事無今古神物風靈  
各有時銅柱功名倘難就澤車欵段任吾之

宿黃牛峽

春到黃牛峽江辭白帝城楚雲高不落巴水去無  
聲絕塞書難得孤舟月更明權歌聽自短幾處夜  
猿鳴

赴雁門聞虜退去呈楊中丞

驅車九月度飛狐萬里霜淒塞草枯白馬偶來逢  
使者黃沙何處走單于胡雲夜動雙龍匣漢日秋  
懸八陣圖一自雁門留李牧邊關烽火至今無

登函關城樓

樓上春雲雉堞齊。秦川芳草自萋萋。  
黃看雨後河流急。青入窗中華岳低。  
客久獨憑三尺劍。時清何用一丸泥。  
登高遠眺鄉心起。關樹重遮萬嶺西。

梁有譽

有譽字公實順德人嘉靖庚戌進士官刑吏主事

姑蘇懷古

看山幾日到吳中。遊客登臨感慨同。  
金虎跡荒靈氣滅。水犀軍散霸圖空。  
春歸茂苑烏啼月。花落橫塘蝶怨風。  
誰識倦游心獨苦。扁舟長憶五湖東。

燕京感懷



塵塞戈鋌血未乾。龍庭烽火報長安。擬擒頡利先  
開幕。欲拜嫫姚更築壇。青海月明胡馬動。黃榆風  
急皂鵬寒。材官羽騎多如雨。夜夜旄頭倚劒看。

香山吳國倫

國倫字明卿興國州人嘉靖庚戌進士官至河南參政

送徐行父少叅赴關內

咸陽天下險。洛邑天下中。潼關睥睨周西東。君自  
三川歷三輔。分陝經營王命同。登車忼慨千人雄。  
矯若八翼凌蒼穹。左馮翊右扶風。漢關秦畿指顧  
通。為將匣裏雙龍劒。擲作天邊二華峰。

得元乘書



已道還江縣。猶然滯海門。別來新鬼哭。書至故人存。萬死懸兵力。孤忠藉主恩。豈無排難意。畏路不

堪論。善偷杜意

高州雜詠

粵南天欲盡。風氣迥難持。一日更裘葛。三家雜漢夷。鬼符書辟瘴。蠻鼓奏登陴。遙夜西歸夢。惟應海

月知。風土詩須此奇警之筆方寫得生動

鄱陽湖

欲向匡廬卧。白雲宮亭水。色晝氤氳。千山日射魚龍窟。萬里霜寒鴈鴛群。浪擁帆檣天際下。星蟠吳

楚鏡中分。東南歲暮，仍鼙鼓。莫遣孤舟逐客聞。

送姜太史節之使楚王

天子分桐葉。詞臣下柏梁。共憐星是使。况乃玉爲堂。  
江漢環宗國。風雲護帝鄉。居人思過沛。太史復浮湘。  
地險東南勝。藩盟帶礪長。晴山開絳節。高浪出牙樯。  
楊柳停旌艷。椒蘭設醴芳。樓臺招鶴馭。環珮憶鷁行。  
六博中原路。雙鋒北斗傍。緘書如有意。歸雁自衡陽。

寄遠曲

章臺楊柳綠如雲。憶折南枝早贈君。一夜東風入

萬里可憐飛絮已紛紛。

徐中行

中行字子與長興人嘉靖庚戌進士官至江西左布政使

暮發滁陽

荒城一騎出。落日萬峰西。澗水流人影。松陰散馬蹄。  
懸崖青欲滴。芳草綠堪迷。洵美非吾土。翻然憶故溪。

盤江驛阻雨寄門人汪維

天連益部長多雨。路出盤江况毒淫。春早螿龍蒸

赤水。夜深山鬼嘯青林。已憐道遠妻孥累。更恐年

衰瘴癘侵。吹笛素生應好在。懷子堪和武溪吟。

結用



爰寄生事恰  
與門人關合

宗

臣

臣字子相興化人嘉靖癸丑  
進士官至福建提學副使

登雲門諸山

山頭月白雲英英。千峰倒插于江明。手把芙蓉步石壁。蒼翠亂射猿鳥驚。誰其雲外吹紫笙。欲來不來空復情。天風吹我佩蕭颯。恍疑身在崑崙行。

兩夜沈二丈至

榻有何人下。君能此夜過。寒蟬吳客賦。衰鳳楚人歌。雨氣干江入。秋聲萬木多。明朝寒浦望。搖落有漁蓑。



長庚純一舜隆既別憶之

一別不自意。茫然空復愁。孤舟仍盜賊。多病已春秋。  
明月半江水。故人何處樓。風塵雙淚眼。為我寄滄洲。

張九一

九一字助甫。新蔡人。嘉靖癸丑進士。授黃梅知縣。歷官右叅都御史。撫寧夏。

寄見甫弟

歷盡巴山白髮新。西風何處不傷神。馬曹蹭蹬官難達。鳥道崎嶇老更貧。九派長江春後鴈。一年芳草夢中人。相思況是無消息。徒倚天涯涕淚頻。

王世懋

世懋字敬夫。倉州人。元美弟。嘉靖己未進士官至太常寺少卿。

送李太史元甫冊封蜀藩

玉檢金泥出大庭。雙旌萬里去冥冥。漢宮朝浥仙人露。益部宵占使者星。巫峽雲中流濯錦。峨眉天半落空青。先驅恥作臨邛客。素筆重題劔閣銘。

橫塘春泛

吳姬小館碧紗窓。十里飛花點玉缸。蠟屐去尋芳草路。青絲留醉木蘭艫。山連暮靄迷前浦。雲擁春流入遠江。棹裏長干聽一曲。煙波起處白鷗雙。

潘

緯

緯字仲文歙縣人

送友人北遊

樽酒慰行軒。交深敢贈言。經過鄭莊驛。好問孟嘗門。一諾休輕許。千金未是恩。年來長送客。此意不

曾論

張邦伊

邦伊字孺覺鄞縣人以父蔭仕至陝西苑馬寺少卿

沈嘉則有三楚之遊席上得分字

春城斗酒惜離群。把袂高歌到夕曛。地入衡陽三楚盡。天迴襄漢九江分。停舟夜聽湘靈瑟。倚閣高舉鄂渚雲。知爾尚平家累淺。逢人勝事好相聞。

戚繼光

繼光字元敬登州人。世襲衛千戶。以參將備倭浙東。破倭於台州。平海衛等處。寔平以都督同知。召理戎政。出為

前鎮總兵進左都督加少保



盤山絕頂

霜角一聲草木哀。雲頭對起石門開。朔風虜酒不成。醉落葉歸鴉無數來。但使立戈銷殺氣。未妨白髮老邊才。勒名峰上吾誰與。故李將軍舞劔臺。無意

為詩自足生趣若郭定襄直於詩壇中位置之

歐大任

大任字楨伯順德人以歲貢選江都訓導入為國子博士終南京戶部郎中

泊樅陽眺覽遂憶漢武之游

行役屆皖城。放舟下樅陽。原隰鬱膾膾。江波浩湯湯。憶在元封中。君王狩朱方。大江深且廣。及茲一葦航。彎弧射蛟臺。皇武何可當。宸游事既往。六合



無回光。不見樓船還。空餘蕙蘭芳。追昔有虞氏。恭  
已垂衣裳。聖人重無為。君子貴豫防。覽古動悽惻。  
延佇增徬徨。

除夕九江官舍

餞歲潯陽館。羈懷強笑歡。燭銷深夜酒。菜簇異鄉  
盤。淚每思親臨。書頻寄弟看。家人計程遠。應已夢  
長安。

一結憶及家人又於家人意中念  
已之夢長安曲折往復善學少陵

九月十五夜月

瑤草三秋色。金風一夕寒。書緣多難絕。月在異鄉  
看。淒斷驚霜角。遲迴望露盤。刀頭今未定。誰最憶

長安。

登宣武門樓

百二山河控上游。鬱蔥佳氣滿皇州。風驅大漠浮雲出。天轉滹沱落日流。雙闕金莖連北極。萬家紅樹動高秋。茱萸黃菊俱堪佩。獨上城南百尺樓。

張元凱

元凱字左虞吳縣人蘇州衛指揮

楓橋與送者別

楓橋秋水綠無涯。楓葉滿樹紅於花。萬里之行纔十里。闔閭城頭尚堪指。遊子尊前淚濕衣。離心已逐片帆飛。酒酣忘却身為客。意欲元同送者歸。

英

兒女一  
齊下淚

陳

鶴

鶴字鳴野山陰人世襲百戶。五言如近海潮通郡連山障入樓孤月常隨棹寒潮自到門頗近自然

夜坐寄朱仲開張甌江

坐久北風起。江聲帶遠沙。容愁初到鬢。鄉夢不離家。林靜無殘葉。燈寒有落花。懷君滯羈旅。雲海各天涯。

卧病雙溪山館見月寄張有功

溪邊桑柘映雙流。病裏蕭條賦四愁。坐雨幾宵方見月。別君一日已成秋。山深倦鵲猶依樹。風定飛螢自上樓。託跡文園須共遣。莫因鄉國歎羈留。



徐渭

渭字文長  
山陰人

懷陳將軍同甫

飛將遠從戎。翩翩氣自雄。  
椎牛千嶂外。騎象百蠻中。  
銅柱華封盡。昆池漢鑿空。  
雁飛真不到。何處寄秋風。

沈明臣

明臣字嘉  
則鄞縣人

顧晉卿席上聞其弟益卿憲副南越之捷

廿年豺虎劇縱橫。百粵遙傳一日平。  
再覩樓船橫海出。更標銅柱伏波名。  
天青馬嶂春銷甲。雨過龍川夜洗兵。  
誰道虎頭非將種。請纓從古是書生。



凱歌

銜枚夜度五千兵。密領軍符號令明。狹巷短兵相

接處。殺人如草不聞聲。

嘉則與徐文長同在胡少保宗憲幕少保嘗譙將士於爛柯山酒酣樂作嘉則

於席上賦凱歌十章吟至狹巷短兵二語保起將其鬚曰何物沈郎雄快乃爾命工刻石置山上

唐

詩

詩字子言無錫人

橫江曲

家住橫江口。年年傷暮春。落花隨水去。不為待歸人。

黃姬水

姬水字淳父長洲縣學生

與友人共飲

青郊歇馬拂吳鉤。萍聚天涯共白頭。久客新豐惟  
命酒。長謠故國一登樓。林殘半壑飛寒雨。潮落空  
江急暮流。世路風煙悲去住。莫辭此日醉筵篋。

袁景休

景休字孟逸吳縣人隱於卜

送沈嘉則遊中原兼訪戚將軍

中原此去欲如何。把酒聞君忼慨歌。道上霜寒逢  
白雁。馬前木落見黃河。五陵煙雨秋難盡。三輔風  
雲氣尚多。記得少年曾學劍。壯心猶自憶廉頗。

嵇元夫

元夫字長

刈稻夜歸

西莊刈稻夜半歸。明月皎皎當柴扉。櫓聲隔岸人語近。斗柄插江霜氣微。木葉蕭蕭覆林屋。蘆花茫茫藏釣磯。兒童村南酒家去。野夫獨立風吹衣。

來孤蘇立秋日盧溝送新鄭少師相公

單車去國路悠悠。綠樹鳴蟬又早秋。燕市傷心供帳薄。鳳城回首暮雲浮。徒聞後騎宣乘傳。不見群公疏請留。三載布衣門下客。送君垂淚過盧溝。

陵與司禮監馮保逐新鄭相公事也。無位之士爲之垂淚足徵公論在人。

居節節字士貞

吳縣人

晚坐



鴉背夕陽盡柴門暮色初山寒漸風露人語半樵  
漁落葉聞砧急蘆花映月疎年年楚江上不見雁  
將書

孫良器

良器字貢  
甫休寧人

過姑蘇有感

東吳城外盡烽煙百姓流移半在船為問秋風舊  
來雁稻梁今有幾家田

此詩應是倭寇之後經過所作比  
江燕初歸不見人其聲又蕭颯矣

王叔承

叔承字承  
父吳江人

風雨泛太湖宿松陵長橋漫興

群飛鷗鷺去不極予亦揚帆赴杳冥灑髻湖風寒



氣白。打船春。雨浪花青。水邊萬樹來江縣。空裏雙  
峰出。洞庭七十二橋燈火亂。野煙沽酒宿漁汀。

蘇風王穉登

穉登字百穀長洲人國子監生

塘栖道中

水濶雨冥冥。帆飛去不停。人聲兩涯斷。魚市一江  
腥。雲已辭吳白。山初到越青。侯芭數行淚。千里弔  
玄經。

俞文以聞警

交河十月水潺潺。虜騎秋高過黑山。六郡平時元  
近塞。一夫誰箇可當關。雲中太守須重起。日逐賢

王未肯還空抱平胡二三策書生無計謁龍顏

丞相國故居訪李孝甫太僕

魚文七首不離身馬踏長安市裏塵重過楊家舊

亭子深悲侯氏老門人朱欄易主花無色青眼逢

君酒可親同是中郎琴畔客一般憔悴各沾巾

汪時元

時元字惟一休寧人

九日舟中

秋風葉正飛江上逢重九人世幾登高寂寞黃花

酒已足

蔡文範

文範字伯華新昌人隆慶戊辰進士歷官廣東布政司參議○隆慶以後詩教漸衰故所收從厚

自瀛德至東昌道中雜詩

聞道張秋決先朝慮獨深  
名山標戊己奉使失辛壬  
地控支祈鎖天寒象罔沉  
誰知神禹蹟疏鑿本無心

遊南岳

縹緲仙臺紫氣浮  
煙籠玉座儼垂旒  
地包荆楚漂南紀  
江合沅湘向北流  
牲帛千秋周祀典  
衣冠五月舜諸侯  
塵緣未斷慚仙骨  
金簡雲書何處求

黃洪憲

洪憲字懋忠嘉興人隆慶辛未進士  
改庶吉士官至少詹事掌翰林院事

身如古山海關



長城古堞俯滄瀛。百二河山擁上京。銀海仙槎來漢使。玉關秋草戍秦兵。星臨尾部雙龍合。月照平沙萬馬明。聞道遼陽飛羽急。書生急欲請長纓。

李三才

三才字道夫臨潼人萬曆甲戌進士官至戶部尚書

送許郎中轉餉薊密諸鎮

重鎮經行遠。清秋離別難。和戎兼漢策。轉餉命秦官。朔雁驚風下。邊雲入夜寒。都亭尊酒罷。落葉滿征鞍。

朱期至

期至字子得蘄水人萬曆甲戌進士官懷慶知府

送蔣太守之瓊州



五羊南去客心孤。銅柱遙分使者符。為語越裳諸

屬國。清時不用貢珊瑚。從張謂戲杜侍御送貢物詩翻出能尊國體

馮

琦

琦字用韞臨胸人萬曆丁丑進士官至吏部侍郎贈禮部尚書謚襄敏

### 題三娘子畫象

紅妝一隊陰山下。亂點醅酥醉朝野。塞外爭傳娘

子軍。邊頭不牧烏孫馬。此為忠順夫人作

朱國祚

國祚字兆隆秀水人萬曆癸未賜進士第一官至南京禮部尚書入東閣後加少傅贈太傅謚文敏

### 經寧庶人廢苑

吳淠何知反。劉安但自尊。魚鹽時不利。雞犬爾焉

存。俘已儒臣獲。軍猶鎮國屯。白頭遺老在。尚說獻

王孫

西山謁景皇帝陵

戾園悽斷白楊風。黃瓦今看天壽同。北狩專馳通  
問使。南還偏賞奪門功。若教守土盟城下。安得蒙  
塵返域中。多少諫臣司耳目。昌言翻賴校官忠。  
追復

景皇帝謚號由荆門州  
訓導高瑤上疏言之

恭謁慶陵作

講幄頻趨鶴籞深。重來就日慘棠陰。十年始受東  
朝冊。一月真傾下土心。視權盡收中使節。披沙罷  
採非人金。最愁日曆書難既。龍去烏號涕不禁。

徐學聚

學聚字敬輿蘭谿人萬曆癸未進士官至右僉都御史巡撫福建

夜宿日觀峰禪房

岱宗面面削芙蓉。時有卿雲出漢封。杖屨中天干

象緯。風煙下界起蛟龍。河流舊繞滄溟遠。練影斜

懸紫翠重。夜半石牀天籟發。夢中錯認景陽鐘。

湯顯祖

顯祖字義仍臨川人萬曆癸未進士官南京禮部主事謫典史且移知遂昌縣

送別劉大甫

欲別悲歌雞又鳴。白頭無計與書生。恩讐未盡心

難死。獨向田橫島上行。

徐燭

燭字性和閩縣人萬曆戊子舉人惟和近體宗法唐人在詩道元雜時遇之如沙磧中得簡珠也七言絕尤能作情



至語在李庶子  
鄭都官之間

銅雀妓

銅臺遺令在。玉座主恩非。  
舊曲流哀管。餘香散舞衣。  
總惟空寂寞。羅綺失光輝。  
日日西陵望。君王歸不歸。

陳价夫歸自崖州談粵中山水因懷舊遊  
朱崖彈鋏動經年。醉向黎姬酒肆眠。  
笑語自存豪士氣。衣裳猶帶島夷煙。  
波羅老去甘如蜜。蔓葉開時小似錢。  
十載遊蹤俱是夢。不堪重聽舊山川。

送人遊吳楚

津亭煙柳綠垂絲。萬里關山匹馬遲。去國正當秋  
盡後。登樓多在日斜時。楚江草長悲鸚鵡。吳苑花  
深走鹿麋。話別何須共惆悵。秋風搖落是歸期。

旅次石頭岸

石頭城下水微茫。回首鄉關驛路長。瓜步煙波連  
斷靄。秦淮雲樹隔斜陽。秋高落木見村舍。夜靜寒  
潮到女牆。客裏愁心已如此。一聞南雁更淒涼。

金陵故宮

先朝遺殿閉塵埃。零落空勞過客哀。五夜銅壺乾  
罷滴。六宮金鎖澀難開。翠華逝後全無跡。羅綺焚

餘自有灰弓。劍盡埋煙雨。冷椒房。一半上莓苔。閱

六知當時初無遜國之事。蓋帝與后同在灰燼中也。史氏取身錄之。誣神廟時人。俱能言之。得錢牧齋諸人之辨。益明。

送李太守擢憲滇南

昆明池水靜無波。擁傳新從棘道過。開府定能寬  
漢法。采詩自可入蠻歌。趁墟滇客龍名市。納款蠻  
王象渡河。他日勒功留片碣。點蒼如黛石嵯峨。

訪梅禹金秦淮客舍

舟過長干問客星。風流不用歎飄零。一秋桃葉居

淮水。時同小姬十月梅花夢敬亭。遊遍南朝故宮地。翻

殘西竺淨名經。贈君欲折藏鴉柳。滿目長堤何處



青

武夷溪口送惟起弟

青山遊侶散紛紛。况復臨歧遠送君。兩地鴈鴻難  
顧影。一時鸞鶴總離群。人從杜若洲邊去。路在桃  
花洞口分。明發登高各惆悵。鵝溪斜日幔亭雲。

丹陽遇陳十八

丹陽渡口遇同鄉。欲語怱怱怨夕陽。君返江南我  
江北。雲山千疊斷人腸。

長門怨

芳草何時輦路通。長門花鳥自春風。祇緣薄命難

承寵豈是相如賦未工

郵亭殘花

征途微雨動春寒。片片飛花馬上殘。試問亭前來  
往客。幾人花。在故園。看。  
絕句七章詞不必麗意不必深而婉轉關生覺一種至情餘於意言之外

酒店逢李大

偶向新豐市裏過。故人尊酒共悲歌。十年別淚知  
多少。不道相逢淚更多。

芋江驛樓送張四之白下

春風吹柳萬條斜。極目金陵隔暮霞。不必相思當  
後夜。片帆開處即天涯。

禦兒舟中別朗公

月下談深睡已遲。滿身涼露夜何其。雞聲未斷鐘聲起。又是江頭欲別時。

寄弟

春風送客翻愁客。客路逢春不當春。寄語鶯聲休便老。天涯猶有未歸人。

陶望齡

望齡字周望會稽人萬曆己丑賜進士第三官至國子祭酒卒謚文簡

沛縣過高帝廟

路經舊沛山川古。龍起中原戰鬪多。一代雄圖開赤帝。千秋遺廟傍黃河。雲歸尚識真人氣。風起猶



傳猛士歌魂魄來遊長此地漢宮秋色近如何

高攀龍

攀龍字雲從無錫人萬曆己丑進士歷官至左都御史坐忤逆闈削籍被逮赴水死贈太子少保兵部尚書謚

忠憲。忠憲詩無心學陶天趣自會羽翼名教人不以擊壤一派為高益信定山甘泉非風雅之宗也

### 水居

薄暮登樓四望遠疇時雨既降農人乍休乳燕來

止儵魚出游萬族有樂吾心何憂

中有元化偶然得之

### 夏日閑居

長夏此靜坐終日無一言問君何所為無事心自

閒細雨漁舟歸兒童宣樹間北風忽南來落日在

遠山顧此有好懷酌酒遂陶然池中鷗飛去兩兩

復來還

湖上閒居季思子往適至

正爾山水間念我煙霞友春風吹微波日暮倚楊柳我友惠然至童僕喜奔走相別歎幾時相逢慮非久所歡得晤言欲言仍無有默默各自怡一室閒相偶夜深不能寐明月在東牖

夜步

幽人夜未眠月出每孤往繁林亂螢照村屋人語響宿鳥時一鳴草徑露微上欣然意有會誰與共

心賞

發光靜坐

偶來山中坐兀兀。淡旬餘。淡然心無事。宛若生民。  
初流泉當几席。衆山立庭除。高樹依巖秀。修篁夾  
路疎。所至得心賞。終日忻忻如。流光易蹉跎。此日  
良不虛。寄言繕性者。速駕深山居。

傅新德

新德字元明。定襄人。萬曆己丑進士官至國子祭酒。贈禮部右侍郎。謚文恪。

送郭青字參藩巴蜀

殊方幾載歎離群。忽漫相逢又送君。萬里江湖龍  
劍合。一尊風雨薊門分。峨岷迥出天連雪。棧閣平  
臨馬度雲。蜀相威名應不負。他時消息好相聞。



區大相

大相字用孺廣南高明人萬曆己丑進士官翰林檢討歷贊善中允

家人初至京置酒亭中對雪作

庭霰今朝集家筵此日開不知燕地雪猶訝故園

梅玉袖承花出珠簾卷絮迴瑶華雖可贈留賞上

春來

中允海南人海南無雪故領聯特妙  
頭聯亦秀艷香霧雲鬟同一筆墨

送何儀部稚孝謫桂林

長沙非不遠南去更蕭森謫宦楚山盡獨行湘水

深鄉書同雁少官舍共猿吟今夕懷人夢隨君到

桂林

南行感懷

聞道貂璫輩由來為掃除先朝煩鎮守重任典方輿貢采山川竭徵輸井邑虛明明皇祖訓宮府意何如時橫稅之使紛紜四出至寺人職掃除者列坐督撫之十民窮瘁幾於賦若華歌美楚矣詩中念祖訓正以慨時事之非也

### 入羅滂水

井邑新安集問閭雜漢徭火耕春伐木山獵夜歸樵潮響蠻溪合林光瘴峒消直須勤撫字勿使困征徭

鄭明選

明選字子升侯官人萬曆己丑進士官南京刑科給事中

### 感懷

黃虞世已遠大道漸陵遲十室八九空奸邪乃猖

披法令日以繁盜賊日以滋宣尼相魯國道路不  
拾遺君子正其本禮義將自治莫以鞭與轡能使  
疲馬馳莫以刑與戮能使風俗移長吏苟有闕三  
尺將安施

恭聞冊立皇太子喜而賦詩

少海初流潤前星已麗空九重原獨斷四皓本無  
功鶴馭丹霄上龍樓紫禁東君王有金鑑早晚賜

春宮

神廟為鄭紀故屢欲建立福王迫於公議而止  
作者歸本九重獨斷立言之體故應溫厚也

十五夜寫懷

明月孤懸夜空齋獨坐人地乎連海岳天濶散星



辰。祿。米。悲。親。沒。柴。門。憶。弟。貧。吾。生。無。限。事。况。感。百  
年。身。

歸子慕

子慕字季思崑山人萬曆辛卯舉人崇禎時追贈翰林待詔。待詔詩雅淡清真筆瓢童冠無非樂趣生平與

高忠憲公談道義交詩品亦略相似所云同心之言也

對客

默。然。對。客。坐。竟。坐。無。一。語。亦。欲。通。殷。勤。尋。思。了。無  
取。好。言。不。關。情。諒。非。君。所。與。坦。懷。兩。相。忘。何。害。我  
與。汝。

城北初夏

三。見。草。木。榮。栖。栖。猶。未。旋。偶。與。城。市。遠。因。耽。此。地

偏獨館背清池。一無俗事牽晨興。課書罷日午蛙  
聲喧。出門見新秧。微綠映遠田。久晴初得雨。稚子  
亦欣然。田父說歲占。今茲定有年。物情既如此。予

樂復何言。

淡然無意太  
羹元酒之遺

雜詩

日出群動作。智計千萬端。用此徒為勞。不用殊未  
安。所繇在有身。坐令思慮殫。所以古賢達。與物同  
一觀。俯仰放懷抱。宇宙何其寬。

館城北

妻孥昔居城。我淹江上廬。妻孥來江上。我去城北

居城北何所事。二生喜從余。既愛童子真。且得人  
事疎。長夏北窗竹。風吹几案書。坐看牆外帆。樹中  
去。徐徐中情苟。無繫觸物皆有餘。今茲對佳節。正  
值秋風初。香稻感我情。歸食空江魚。小女解思父。  
一見當何如。

壬寅正月西村築室成

經始逼歲除。春肇室云考。結構稱心爲。彌拙亦彌  
好。村樹旣羅列。溪流亦滌抱。北牖移修篁。南圃藝  
藥草。室中圖與書。閒暇可探討。農人理耰鋤。念此  
歲供早。顧我長負疴。不耕慚亦飽。



移居

冉冉歲云暮。寒風動林於。言辭東村宅。去適西村  
廬。豈無舊巢戀。歡與吾仲俱。西村况不遠。相去一  
里餘。回瞻竹樹間。炊煙出前厨。吾病四十衰。厭厭  
日不如。憂患易反本。戚戚念友于。安得我叔氏。亦  
復來此居。遙望城中山。引領空嗟吁。

丙寅六月過吳子往荻秋菴

無入意堂

蕭瑟湖上廬。六月如清秋。涼雨過柴門。綠楊風颭  
颭。水濱一穉子。洋洋何所求。終日無一魚。持竿釣  
不休。問之向我笑。使我心忘憂。

諸詠有物我同得之趣。覺月到天心。風來水面。終是有心。

作理  
語

歸江上

去年冬盡歸。室家尚完好。兒女曝檐隈。牆頭日杲杲。今年冬盡歸。離憂不可道。中饋闕無人。虛堂塵不掃。一兒依外家。兩女傍兄嫂。奚獨天運乖。謀生亦草草。人世骨肉緣。尚爾不可保。而况一切營。何足櫻懷抱。久矣吾行迷。回車苦不早。

歲暮別諸生

惻惻不可道。臨岐但依依。常恐語言多。貌勝中情微。感茲寒色厲。北風吹爾衣。歲暮家室情。各各念

爾歸群。居雖云樂。人情諒難違。所患不同心。不患  
相見稀。尼父重久要。如醴久已非。勗哉儀先民。雅  
道庶可幾。

人人胸臆中語便是至情視華子潛詩  
只學得陶公形象所謂得其皮骨者也

明詩別裁集卷九



下而... 卷之...

此語係法華經

不... 兒... 女... 夫... 妻... 子... 孫...

此語可證... 凡... 人... 之... 心... 亦... 然... 也...

此語... 父... 子... 之... 情... 亦... 然... 也...

此語... 聖... 賢... 之... 心... 亦... 然... 也...

明詩別裁集卷十目錄

謝肇淛 四首

袁宏道 一首

曹學佺 八首

蔡毅中 一首

公鼎 三首

李流芳 四首

唐時升 二首

程嘉燧 四首

楊漣 一首

王象春 一首

賀萬祚 一首

高道素 一首

陳鳴鶴 一首

周永年 一首

王人鑑 一首

吳稼澄 一首

宋登春 一首

孫友簾 一首

俞安期 三首



何白 一首

鄭琰 一首

盛鳴世 一首

沈木 一首

王屋 二首

吳夢暘 一首

范汭 二首

吳兆 一首

徐燭 三首

文震孟 一首

徐石麒 一首

倪元璐 一首

蔣燦 二首

徐汧 一首

萬壽祺 二首

馬世奇 一首

楊廷麟 一首

張溥 一首

姜采 一首

顧咸正 一首

陳宗之 一首

謝 遴 一首

吳本泰 一首

萬 泰 一首

閻爾梅 一首

劉永錫 一首

陳子龍 十九首



東子歸

十五

隆水題

一首

閩爾

一首

萬泰

一首

吳本

一首

世對

一首

刺

一首

明詩別裁集卷十

長洲 沈德潛確士

同輯

周 準欽萊

謝肇淛

肇淛字在杭長樂人萬曆壬辰進士官至廣西左布政使

秋日邀龍君御同鍾伯敬林茂之賦詩君  
御時將赴湟中

營道植高操。大音謝俗機。誰云京洛塵。而能緇素  
衣。前蹤既云邈。後會安可希。斗酒自斟酌。蟹螯秋  
正肥。南陸有殘暑。西山無留暉。不知松際月。已挂  
花間扉。雜坐忘罄折。緒談聞芬菲。君今赴河湟。戎

馬生郊畿白面誰見賞。青雲願多違。舊歡意未淡。  
新離淚仍揮。余亦倦遊者。因之歌式微。

送徐興公還家

楓落空江生凍煙。西風羸馬不勝鞭。冰消浙水知  
家近。春到閩山在客先。斜日雁邊看故國。孤帆雪  
裏過殘年。憐子久負寒鷗約。魂夢從君碧海天。

春怨

長信多春草。愁中次第生。君王行不到。漸與玉階  
平。

秋怨



明月憐團扇。西風怯綺羅。低垂雲母帳。不忍見銀河。

袁宏道

宏道字無學。公安人。萬曆壬辰進士官吏部郎中。公安兄弟意矯王李之弊而入於俳諧。又一變而之竟陵。詩道遂不復振。人但知竟陵之衰而不知公安一派先之也。

感事

湘山晴色遠微微。盡日江邊取醉歸。不見兩關傳露布。尚聞三殿未垂衣。邊防自古無中下。朝論於今有是非。日暮平沙秋草亂。一雙白鳥避人飛。

曹學佺

學佺字能始。侯官人。萬曆乙未進士。歷官參議。廣西天啓中以闢禍除名。為民崇植。初起復。廣西疏辭不赴家。

年二十餘  
年殉節死

夜泊彭山江口

錦城平日暖。旅泊始知寒。犍蜀中分地。岷峨杳向  
看。岡連三女冢。水疾二郎灘。蘆葦風吹急。蕭蕭漢  
將壇。岑彭遇害此地  
有彭亡之稱

泰昌皇帝輓歌

龍馭升遐日。封章滿御牀。施行猶令旨。德意自先  
皇。沛若江湖決。俄然石火光。更聞哀詔到。能不淚  
沾裳。龍馭升遐謂神宗  
更聞哀詔謂光宗

勸進箋三上。騰歡遍九垓。逐臣皆召用。中使盡收  
回。貨賤昭先儉。心勞集相才。大工須計日。久矣柏

梁災

罷稅不停徵。邊庭歲用增。金錢溢輸輓。士馬飽飛騰。北闕聞天語。東隅望日升。那堪遽辭世。倉卒治

山陵

九轉神丹祕。三旬帝業終。春秋書法謹。中外揣摩窮。兩泣將填巷。攀髯或墮弓。由來戮方士。豈但爲無功。

過木壙

指點十三橋。迎船半柳條。夕陽潮正滿。春草岸俱遙。琢研開山市。爲園灌藥苗。賣錫時節近。處處有



吹簫

琢研種花風土自昔寫來光景如畫

送陳民部出守思州

言辭粉署重淒淒。道路時聞征馬嘶。日照夢懸鄉樹外。夜郎吟向郡樓西。竹雞群裏登峨嶺。銅鼓聲中出朗溪。我欲白門攀柳送。相思此夜有烏啼。

八月朔日王元直招集南樓送陳汝翔之

東粵王玉生之清漳沈從先還姑蘇徐興公之建溪陳維尋之聊城蔣之才之廣陵

予返白下

西風蕭瑟動離顏。一樹衰楊不剩攀。秋老幾人猶

白社月明無主。自青山征途南北。高樓外客淚縱橫。林酒間此別紛紛難聚首。天涯那許夢魂閒。

蔡毅中

毅中字弘甫。光山人。萬曆辛丑進士。官至禮部右侍郎。

秋興

木落江空天氣清。西風蕭颯雁南征。浮雲暗逐年華變。岐路虛憐短髮生。千里關河懸客夢。萬家砧杵動秋聲。崇蘭芳芷依然在。何處江潭弔屈平。

公

鼎

鼎字孝與。蒙陰人。萬曆辛丑進士。官至禮部右侍郎。諡文介。

詠古

古人獲我心。善達窮通理。安危慮所居。屈伸貴自

已已貴可復賤中立常不倚衰至易生騎腊毒恒  
在美薛公僅遺榮疏傅庶知止寥廓晞冥鴻增繳  
安可擬

穆陵關

昔日齊侯履南疆盡此封諸山沂作鎮五岳岱爲  
宗霸國猶餘業重關識舊蹤故園相去近回首海  
雲重

諸將

上谷漁陽拱帝京相連河外受降城一從塞馬來  
南牧遂使王師罷北征絕徼尚傳青海箭中原新



動綠林。兵主憂。正值宵衣日。誰向天山答太平。

李流芳

流芳字長蘊嘉善人萬曆丙午舉人嘉善西石中以禮園為上雖漸染習氣而風骨自高不能掩其真性靈也

過臯亭龍居灣宿永慶禪院同一濂澄心

恒可諸上人步月

歸裝出西湖。問道向黃鶴。屢憇桐塢期。偶遂龍居  
謗。輕舟凌晨風。遙山滿晴郭。丹林尚可歎。寒條紛  
無託。披松指微徑。聽水捫暗壑。新構爭遠勢。平臺  
攬搖落。霜餘山容淺。天清海氣薄。暫歇塵勞心。始  
知寂滅樂。空宇創寒烟。秋容澹幽。人亦忘  
每多方外遊。見僧即如故。燈明一龕下。夜長愜深

晤不知山月上。千林已流素。出門尋舊溪。愛踏松  
影路。氣和空宇澄。寒魄如春露。幽泉洗我心。微鐘  
杳然度。讀第二章如見東坡  
承天寺夜遊光景

無語如白門七夕時將  
入燕

舊日維舟處。懸情獨柳條。秋風又京國。客思正江  
潮。長路有時到。歡期難再邀。徘徊望牛女。愁絕向  
中宵。

### 黃河夜泊

明月黃河夜。寒沙似戰場。奔流聒地響。平野到天  
荒。吳會書難達。燕臺路正長。男兒久為客。不辨是

他鄉

唐時升

時升字叔達嘉定人

南翔里有八老人為社長者年九十四少者年八十一居止不一二里耄耄相望杯酒談笑日相娛樂誠太平盛事詩以紀之

白鷄村頭春日曉香霧濛濛百花好蒼顏素髮八老人花前置酒相傾倒笑說鄰翁學語時追談邑子知名早不知主客更勸酬爭引曾玄互提抱今年孟春甲子晴占云麻麥俱豐成坐中祭酒九十白敬酌社公旨且清其間迭起拜更祝但願脚健



雙眸明桂林從事八十一。只聞喚弟無呼兄。南村  
翳翳桑榆日。出共持杯歸散帙。但課兒孫種黍苗。  
何知方士餐芝朮。香山居士有遺篇。九十不衰真  
地仙。公等康健逢聖世。能無且暮歌皇天。願炊香  
飯秣釀酒。日奉杖履長周旋。武皇遺事多詭謬。欲  
問鑿輿南幸年。

薛侍御出按貴州便道歸雲南省觀

繡衣持節出長安。南入牂牁路萬盤。重箐濕雲常  
欲雨。點蒼晴雪不知寒。登車自掃豺狼跡。問寢應  
彈解豸冠。遙憶樹頭新酒熟。雲南人釀酒於樹刺桐花下正

蘇軾揚

連字文孺應山人萬曆丁未進士喜宗朝官至副都御史劾魏闡二十四大罪被逮死鎮撫司獄贈太子少保

左都御史  
謚忠烈

### 題柏子園青芸閣

官閣凌空汶水深。金飈初動客登臨。浮雲易改三  
山色。落葉先驚萬里心。江上美人遺雜佩。城南少  
婦拭清砧。繁臺兔苑今禾黍。日暮憑欄思不禁。

王象春

象春字季木濟南新城人萬曆庚戌進士官至吏部郎中

### 書項王廟壁

三章既沛秦川雨。入關又縱阿房炬。漢王真龍項  
王虎。玉玦三提王不語。鼎上杯羹棄翁姥。項王真

龍漢王鼠垓下美人泣楚歌定陶美人泣楚舞真

龍亦鼠虎亦鼠

奇辭可儷  
謝臯羽篇

賀萬祚

萬祚字孝延嘉興人萬曆庚戌進士官至江西右布政使

### 周侍御行部

蘭臺使者舊知名攬轡從容江海情抗疏共看任  
伯兩行軍還擬趙營平五花驄馬巡周道三輔黃  
圖歷漢京不獨艱危憂水旱前籌更欲請長纓

高道素

道素字玄期嘉興人萬曆己未進士官工部郎中以督造桂府殿傾論死

### 秋日寄沈無回

涼風起庭際簾幙迴秋陰一葉空階落孤燈獨坐



承歡

程嘉燧

嘉燧字孟陽歙人寓居嘉定。孟陽詩亦娟秀少塵  
自錢牧齋嘗譽李何王李于諸人推孟陽為一代宗主

與高季迪李賓之前後相埒矣而陽羨邵子湘有心矯柱檣其累句  
云爭倚畫橈衝妓席獨橫朱袖占歌筵亦知終去婿和姝且憲開來  
弟勸兄近逐歌喉須闌席間開笑靨待歌船閒慢串逆圓留面戲劇  
鞦韆痕曲印肩年去貧來不自由暗傷頰面向交遊等句謂其穢褻俚  
俗幾於身無完膚矣予錄其氣清格整去風雅未遠者四章  
見孟陽自有真詩勿因牧齋之過許而毛舉其疵以掩之也

值唐叔達同錢將軍北上言別

方舟然燭夜相過道上匆匆奈別何  
我已三年懷錦里君偏五月渡黃河  
南遊誰共煙花早北上兼聞金鼓多  
此別各懷無限意莫將春淚點江波

送李中翰還朝

漢家宮闕枕燕關。使者乘槎八月還。吳地潦平猶似海。廣陵濤壯正如山。同舟夜醉神仙侶。染翰春隨供奉班。聞道滄溟今未息。幾回溝壑動愁顏。

閶門訪舊作

悵望吳閶百里餘。故園兄弟日應疎。多年華鬢絲相似。三月春愁水不如。歌扇舊分桃葉渡。釣船還傍藕花居。掃眉才子何由見。一訊橋邊女校書。

登樓

少小聽歌怕唱愁。一聲楚尾與吳頭。如今身在傷心地。但見春光莫上樓。

深芙蓉思遠道蟋蟀動愁吟誰念閒居客能傷遲暮心。

陳鳴鶴

鳴鶴字汝翔  
閩人諸生

伍相祠

黃池宴罷羽書催。骨葬鴟夷擯可材。西子已辭吳苑去。東門忍見越兵來。春風故國蘼蕪長。落日荒祠杜宇哀。千載忠魂何處問。滿城兒女弄潮回。

周永年

永年字安期  
吳江縣學生

弔淮陰侯

一市人皆笑。三軍衆盡驚。始知真國士。元不論群



情。楚漢關輕重。英雄出戰爭。何能避菹醢。垂釣足平生。

王人鑑

人鑑字德操吳縣人

忽忽寒光早。閑居水上村。病疎當世事。貧負故人恩。黃葉深樵徑。荒煙淡草門。憑誰論出處。短褐信乾坤。

吳稼澄

稼澄字公嗣晉孝豐人。以剡除南光祿典簿。

金陵酒肆贈茅平仲

暮年看爾壯心孤。落落酣歌擊唾壺。但數一錢憐

姹女纔誇千騎笑。羅敷梨花雨濕紅襟。燕楊柳春

藏白項烏欲向盧家借雙槳。莫愁不是舊時湖。

宋登春  
登春字應元新河人

秋日野望

聽鳥中林性。看雲故國心。地卑湘漢濶。天遠洞庭

深。老馬空知道。窮猿豈擇林。十年書劒客。寂寞到

如今。

孫友篋  
友篋字伯諧歙縣人

過古墓

野水空山拜墓堂。松風濕翠灑衣裳。行人欲問前

朝事翁仲無言對夕陽。萬事無成空入海。

俞安期

安期字羨  
長吳江人

憶家

故國千山外。經秋遠別離。浮生能幾日。爲客此多  
時。衰眼高堂淚。寒砧少婦悲。天涯念游子。風雨共  
淒其。

望海

紛紛靈異變昏朝。陰火隨波遠。自飄龍藏。函經連  
水府。蜃樓開市借雲霄。星臨東極無分野。山入南  
荒有沃焦。日日潮來長應候。似應西答百川朝。



登祝融峰

中天積氣入清涼。雲霧翻看地混茫。兩挾蒼龍奔下嶺。星懸朱鳥定南方。何年石匱藏金簡。自古山祇禮赤璋。壇上長流青玉乳。神池高捧帝臺漿。

何白

白字无咎  
永嘉人

淮上歸興  
谷樾賦  
吳洪軍書  
輝輝

淮泗秋風動地來。月明如水雁聲哀。南經伍員吹篳市。北眺曹公較弩臺。歸路漸香菰米飯。佳期已負菊花杯。愁聞烽火連東北。極目浮雲黯未開。

鄭

琰

琰字翰卿。閩縣人。翰卿工七言律。如霜色欲將關樹折。河聲如帶成樓奔。磧上陰雲連墨黑。關中落日帶沙

黃劔戟已消兵後火。鬪讎猶泣戰時瘡。皆恍慨有燕趙聲。

哭李大將軍

十萬旌旗染血丹。招魂夜夜哭桑乾。殘兵來拾中郎印。野鳥飛登大將壇。金獸鎖門嚴鼓角。石麟窺塚葬衣冠。至今俺答騎胡馬。猶是將軍舊戰鞍。

盛鳴世

鳴世字太古鳳陽人國子監生

題岳陽酒家壁

巴陵壓酒洞庭春。楚女當壚勸客頻。莫上高樓望湖水。煙波二月已愁人。

沈木

木字子喬嘉興縣學生

夜起

暑夜不成寐。起步中庭中。殘月忽墮。水明河猶在。空籬根滴清露。樹杪生微風。坐愛新涼好。先秋有

候蟲

殘月忽墮水二語是夜起雞聲  
茅店月二語是曉行各入神妙

王

屋

屋字孝峙  
嘉善人

子夜歌

千金買以玉。百金求良工。為儂作雙環。相連無始

終。

妾身妾台惜。君心君自知。莫將後日情。不如初見

時。



吳夢暘

夢暘字允兆歸安人

送胡孟弼邑博之沅江

攜手情無極。茫茫此別何。一官猶俎豆。滿地已干戈。畏路身難定。騷人怨自多。可堪寥落思。木葉洞庭波。

范

洵

洵字東生烏程人

琴川夜泊懷孫齊之

野宿次鳧鷖。青青菰筍齊。潮痕隨月落。山勢壓城低。殘夢風前杳。歸心曙後雞。還知高隱處。只隔水

東西

少翻不春日訊吳允兆

遠樹微波黯不分闔閭城畔寄孤雲春來儘有還

鄉夢除却青山便是君

吳膺兆 兆字北熊休寧人

玉牒道同曹學佺過宿碧峰寺愚公房

入寺昏煙斂雙橋竹澗通僧歸殘磬裏客夢亂山

中燈暗窻沾雨枝喧鳥墮風他鄉寥落夜語笑喜

能同 戊子春宿寒山空谷菴中始知客夢亂山中句之妙

文憲徐炳 炳字興公閩縣人

寒皇木送俞本之遊楚

寒臯木落水連天。雲際孤城望漢川。隔岸數聲湘  
女瑟。中流千里鄂君船。鷓鴣夜叫黃陵月。猿狄秋  
啼赤壁煙。挾得離騷經一卷。行吟長對楚江邊。

中徵部送康元龍之靈武

風出關寒雪不飛。塞草

賀蘭山下戰塵收。君去征途正值秋。落日故關秦  
上郡。斷煙殘壘漢靈州。胡兒射獵經河北。壯士吹  
笳怨隴頭。城窟莫教頻飲馬。水聲嗚咽動鄉愁。

黃河官路黑山程。羌笛橫吹漢月明。漠北烽煙三  
里霧。隴西鼙鼓十年兵。燕鴻度塞寒無影。胡馬行  
沙暗有聲。後夜思君勞遠夢。朔風吹過白登城。



文震孟

震孟字文起長洲人天啓壬戌賜進士第一授翰林修撰忤逆閹鵠級歸崇禎初復原官歷仕至禮部侍郎東

閑大學士

卒謚文肅

擬古遠行

江之陽兮有嶼江之陰兮有渚朝而風兮夕而雨  
望夫君兮渺何許春波兮悠悠日暮兮夷猶擊青  
桂兮為楫塞木蘭兮為舟况舍思兮凝睇乘清風  
兮遠遊遠遊兮上下載行兮載舍遵中流兮待君  
將寄心於遠者

徐石麒

石麒字寶摩嘉興人天啓壬戌進士除工部主事崇禎初起補南禮部歷吏部尚書乙酉城陷自經可經堂

望匡廬

突兀此何處。匡君廬亘天。黛浮五老壁。青入九江船。  
慧遠林中寺。康王谷口泉。苻生今已老。誰與買山錢。

倪元璐

元璐字玉汝。上虞人。天啓壬戌進士。改庶吉士。官至禮部尚書。朝林學士。京師陷。自縊。初謚文正。定謚文貞。

皇極門頌曆作

鳳闕開彤旭。猊爐散紫煙。六階齊度緯。七政轉璣璿。  
甲曆龍躔改。寅賓象魏懸。明時功在渾。資始義承乾。  
黑帝威初試。青皇位早傳。周官新月令。廿氏舊星篇。  
人繼羲和後。書成莫夾前。庚先三日戒。貞下一元旋。  
圖籙符垂赤。干支德應玄。興王惟有歲。

太史又編年。賜出黃星曜。披看綠字鮮。因知天曆數。如日起虞淵。

蔣燦

燦字韜仲崇禎戊辰會魁官至天津兵備

題杜少陵像

誰貌杜陵老。憂懷筆底傳。凋殘悲瘦馬。慷慨拜沛。鵲作客依江閣。浮家寄楚船。高才同漢落。千古有

青蓮。

大雅長往矣。遺容後代看。萬間思廣廈。一諫失微官。抗志隆中對。饑驅蜀道難。蕭騷兩鬢白。應為憶長安。



徐 汧

汧字九一長州人崇禎戊辰進士官至少詹事家居殉節死

三月十九日

珍饌精饒賜講筵每逢令節主恩偏十章書未陳  
金鑑九逝魂猶戀細旃社稷風雲誰奏曲園林霜  
露已經年龍髯回睇橋山遠玉匣珠襦不忍傳

萬壽祺

壽祺字年少徐州人崇禎庚午舉人

入沛宮

泗亭春盡樹婆娑漢帝宸遊不再過魂魄有時還  
至沛樓臺落日半臨河風吹大澤龍蛇近大入平  
沙雁鷺多我亦遠隨黃綺去東山重唱采芝歌

贈胡彥遠

河渚經營把釣綸。乾坤草莽一閑身。南陽高卧真名士。東漢餘生舊黨人。十載荃蘅同入夢。三冬冰雪獨傷神。荷鉏歸去田廬閉。莫向人間學問津。

馬世奇

世奇字君常無錫人崇禎辛未進士改庶吉士官至翰林院侍講京師陷自縊初諡文忠定諡文肅

贈曹元宰守漳州

靈槎秋泛海天涼。五夜心懸燕寢香。總為至尊憂社稷。漢臣何必薄淮陽。

温柔敦厚

楊廷麟

廷麟字伯祥清江人崇禎辛未進士官終編修死節贛州

別葉侍御

渾水橋邊寺北田。行滕東去雨連綿。桑村古渡沙  
移路。茅屋人家鳥就煙。江左衣冠悲楚澤。淮西烽  
火接秦川。更聞群盜郊原遍。欲下潯陽萬里船。  
茅屋

句寫盡荒涼不減江  
燕初歸不見人句

張

溥 溥字夫如太倉州人崇  
禎辛未進士改庶吉士

孟門行

雙絲繫玉環。宛轉生光澤。奉以結同心。何知反棄  
擲。君家美酒琥珀光。紅顏少年空滿堂。酒酣意氣  
不可當。君家玉堂盛孟門。孟門深谷無朝昏。中有  
美人嘯且歌。仁義結客客自多。相與醉君金叵羅。



黃雀銜環報舊主。畏君彈射遠飛去。夜深孤棲城

北樹。夜深孤棲餘情不盡。忠愛之心故應如是。

姜 采 採字如農萊陽人崇禎辛未進士官禮科給事中以言事廷杖削籍戍宣城

赴戍宣州衛

垂死承恩謫天威咫尺間。荷戈荒徼去收骨瘴江還。哀職猶思補龍髯。竟絕攀橋陵干滴淚獨在敬

亭山 淚痕血點垂胸臆。荒徼瘴江未合宜州。

顧咸正 咸正字端本崑山人崇禎癸酉舉人除延安推官殉節死

登華山

倚杖高臺萬里秋。山川元氣共沉浮。金神法象三

干界玉女明妝十二樓并鉞參旗皆北拱濁河清  
渭自東流愁看殺氣關中滿獨立南峰最上頭

陳宗之

宗之字玉立長洲  
人崇禎癸酉舉人

漢道

漢道昔云季四海沸群雄賢士失綱維奔竄投西  
東管寧棲遼海田疇隱無終鄭玄與王粲各自獲  
所從如何盛明世栖栖泥淖中雨雪積荒塗渚田  
路不通寧無北門歎要自秉固窮疾耕寡樂郊仕  
宦乏奇功乾坤雖浩廣何地置吾躬愴惻衡門下

憂來溯悲風

書注要卷四  
卷之四  
卷之五  
卷之六  
卷之七  
卷之八  
卷之九  
卷之十  
卷之十一  
卷之十二  
卷之十三  
卷之十四  
卷之十五  
卷之十六  
卷之十七  
卷之十八  
卷之十九  
卷之二十

謝

遜

遜字彙先宜興人  
崇禎癸酉舉人

巴女詞

巴川積水極岷峨。巴女明妝豔綺羅。為語秋江風浪急。斷腸休唱木蘭歌。

吳本泰

本泰字美子仁。私人崇禎甲戌進士官南京禮部郎中。

帝京篇

崇禎元年作

夢想黃京臺。來歌白石粲。明明聖人出。旭日天方旦。廣殿飭梓材。神霄聳輪奐。微垣妖彗消。芝蓋卿雲縵。三吳罷機杼。九廟棄珪瓚。下國頌時雍。至尊理宵旰。宵旰懷殷憂。籌邊寢弛玩。軍需飛檄催。水



衡仰屋歎大奸已距脫群疑未冰泮漸鴻雖可儀  
羔羊不聞讚名盛寔則衰事倍功乃半因之勅幾  
康匪伊游泮渙君既勤晝接臣當思日贊朝中去  
朋黨政府參謀斷網必挈其綱繩先理其亂求治  
毋太速防微勿滋蔓所期日月光幽遐理必貫思陵

初政寔有可觀狐疑瑣屑仍任奄人而臣五泄泄朋黨連結此後日事也詩中思患豫防具有灼見

萬泰 泰字履安鄆縣人崇禎丙子舉人

留別董西來

客塗相見即相親總是淒涼夢裏人且喜何郎能  
似舅不妨綺季未稱臣睢陽城上三生淚無定河

邊後死身。惆悵天涯分手處。秋高一雁落江津。

閻爾梅

爾梅字用卿江南沛縣人崇禎丙子舉人。詩有奇氣每近粗豪茲擇其尤雅者。

重過兗州

亭長臺西舊酒徒。疎狂名姓滿江湖。每從世外尋高蹈。不識人間有畏途。季札重來周樂散。奚斯一去魯宮蕪。高樓極目誰同醉。正月愁聽有蟋蟀。

劉永錫

永錫字欽爾魏縣人崇禎丙子舉人官長州儒學教諭革命後隱於陽城湖之濱窮餓死。

行路難

冥漫漫兮白日寒。天荆地棘行路難。

四字抵過于萬言

陳子龍

子龍字人中更字臥子青浦人崇禎丁丑進士官兵科給事中殉節死。講教之衰至於鍾譚劉極將復之候。

也黃門力闢榛蕪上追先哲厥功甚偉而責備無已者  
謂仍不離七子面目將凋蟪齊鳴不必有鈞韶之響耶

曜靈

曜靈天子遇旱而憂省獄減刑兩以時降詩

人美之也

曜靈維陽杲杲麗天爰自東作火見於昏天之薦  
瘥蘊降如焚皇曰予冀方邦畿所安廢我來牟兆  
民孔艱章一旱之始盛維塵冥冥旱既太甚百卉具  
零豈降自天胡德非馨曾是有象恭曾是有讒慝  
曾是有詭隨曾是有拮克章二爰命宗伯大雩孔明  
爰命徹侯于郊于宗以爾幣玉及爾斯牲方社既



周山川用享。叶振古率育。胡邁子不寧。三章魏魏薊

邱維君宅之。翼翼皇心。維天繹之。禮莫不展。來饗

來格。膳宰既徹。鏞鼓既釋。凡百君子。勗爾無斁。四章

皇曰。司寇維刑。世重世輕。朕聖姦宄。或愆于平。悍

陽驕驕。憂我黎氓。乃清岸獄。乃釋累囚。肆赦時夏。

或歌且謳。倬彼燕山。出雲油油。終朝彌野。既舒既

柔。既霑既優。田峻語語。樂哉士女。以育我稷黍。皇

王布惠。天錫純嘏。五章

仲夏直左掖門送夏彝仲南歸

金塘迴素波。中有雙鴛鴦。托身在清禁。和鳴君子

旁顧此同林鳥。孤翼忽南翔。生平志忼慷。何事獨  
難忘。本爲四海人。豈得常相將。丈夫重知己。萬里  
同一鄉。黽勉效貞亮。德輝在巖廊。莫憂青蠅多。和  
璧貴善藏。執手不能語。悵矣結中腸。

雜詩

山椒微風發。薄暮遲佳人。頽陽淡林表。素月生河  
津。佇立懷往路。時宴多苦辛。君家青雲樓。瑤華艷  
當春。臯蘭亦有芳。欲寄良無因。歡愛豈足重。要使  
恩誼申。浮雲誠易阻。白璧終見珍。  
至道無相非。未流乖心跡。高懷苟不亮。執誼日以

積賢隨貴同。用愚與賤交。役騰名自有。階投護豈  
無隙。營營棘上蠅。可以攜金石。履純思寡尤。超方  
鮮奇策。毀譽苟未忘。顧影慙跼踖。

墓門有惡木。鴟鴞巢其巔。同茲雨露潤。不與百卉  
妍。性質固自殊。大造安能遷。我行適見之。中心懷  
憂悵。利斧雖在手。斬伐無此權。去去保芳潔。願言

藝衛荃 手無斧柯 奈龜山何

平陵東

炎精中燼妖。彗紅平陵松柏生。秋風四十萬人頌  
符命。巨君却在層城宮。東郡太守建旗鼓。排山動



地連關輔。五威國將紛東馳。大誥金滕亦何補。汚  
宮薦棘雖無成。天下始知稱漢兵。不逢時會豈失  
策。猶與宛洛開先聲。斗柄橫斜漸臺蹙。白水真人  
坐黃屋。逢萌東昂卓茂封。義公碧血無人哭。男兒  
何必上雲臺。千古徒悲兩黃鵠。

義公之稱兵更難於勝廣之開漢祖而先武之封不

及何也不以成敗論人具有卓識

小車行馬果其巖同立雨覆國不與百快

小車斑斑黃塵晚。夫為推婦為挽。出門何所之。青  
青者榆瘵吾飢。願得樂土共哺糜。風吹黃蒿望見  
牆宇中有主人。當飼汝叩門無人室。無釜躑躅空

巷淚如雨

寫流人情事恐鄭  
監門亦不能繪

景興寄獻石齋先生

烈風蕭條吹百羽。朱鳳葳蕤適南土。羅爵如雲不  
見天。秦人高歌楚人舞。出門不向妻子辭。八尺銀  
鐙五色絁。虎鬚較尉紅錦裘。峨舸大編下江州。蛟  
龍鬣鬣黃沙臥。日月冥冥青楓秋。赭衣墨幘安魚  
服。子亦相逢淮水曲。京華時事不足論。慘淡相看  
日彌促。鎌刃誰留門外蘭。庖厨肯恕山中鹿。可憐  
舉世學浮沉。燭龍迴照杳難尋。蒼茫不解時人意。  
愛護還憑明主心。我有短札置懷袖。安能一矢于

黃金平。生風義兼師。友陳蔡。相從但鼓琴。

此石齋被逮黃門過之淮

南而

作

闐闐門開翡翠城。鳳凰十二相和鳴。碧血一灑玉  
階裂。驚雷急電何時平。門生往往自引匿。故吏不  
復相通名。賈彪奔走何側足。曹鸞上書翻桎梏。鈎  
黨幾入甘陵部。相將同入黃門獄。緋衣獄吏行生  
風。黃封小匣排當中。更番撈掠不知數。但稱汝罪  
如山崇。小臣萬死不足惜。聖德如天輝典冊。帶血  
晨興寫孝經。裹瘡夜卧編周易。爰書一旦下高天。  
薄譴由來湘水邊。萬里聞聲頌明聖。漢廷有待賈



生還

此送石齋自詔獄得戊酉陽而作帶  
無農與寫孝經二語自是當時實事

交河

鳥啼征馬動。曙色散滹沱。海氣通三島。天風靜九

河。沙平邊草斷。日澹塞雲多。百里無煙火。空林枉

自過。

大南廬居

行遯山河改。歸來松菊荒。尚餘三畝宅。無復萬家

旁。析死煩宗祝。偷生愧國殤。但依親隴在。含笑此

高岡。

襄陽

江漢西隴重荆襄南紀雄諸侯悲峴首者舊失隆  
中燧色通秦塞妖星下楚宮不知大隄女何處舞  
春風

雜感

大河南北望萬里入春愁車馬空官渡風煙滿豫  
州黃巾連戶著白骨少人收自古中原地應煩聖  
主憂

兵戈傳劔外消息每差池已失夔門險誰言蜀棧  
危雪山寒鼓角玉壘暗旌旗天子頻西顧元臣實

總師此場嗣昌總師時也夔門失而蜀不可守矣喪師辱國伊誰之咎哉

送張王笥中丞擢河道少司空隨召陛見  
舊聞開府靜牙璋。詔領河隄入未央。周室保釐分  
郊鄩。漢家底績念宣房。九天星宿開秦塞。萬里梯  
航走冀方。為語至尊南顧日。不堪重問海陵倉。典切

立勳酬李司馬萍槎先生

久瞻樞府重明光。投我連城雲錦章。傷亂已聞劉  
太尉。賞音深愧蔡中郎。九龍移帳春無草。萬馬窺  
邊夜有霜。早晚滄江驚驛使。詔書先問右賢王。

清溪東望大江迴。立馬層崖極望哀。曉日四明霞

清溪東望大江迴。立馬層崖極望哀。曉日四明霞



氣重春潮三折浪雲開禹陵風雨思王會越國山  
川出霸才依舊謝公攜屐處紅泉碧樹待人來

送吳巒穉司李桂林詩書夫以古賢王

翡翠巢邊匹馬過干盤桂嶺鬱嵯峨南浮灘水啼  
猿滿北望君山落雁多巒府官閒能作賦漢廷恩  
近憶鳴珂愁心獨繫張平子欲寄玳珩奈遠何

重遊弇園草雨餘日不欺重開

放艇春寒島嶼深弇山花木正蕭森左徒舊宅猶  
蘭圃中散荒園尚作林十三敦槃誰狎主三千賓  
客半知音風流搖落無人繼獨立蒼茫異代心

園一帶廢為民居矣  
讀此不勝時代之感

明詩別裁集卷十

肥田得地其味平

清世不無胡人

胡人亦不無清世



明詩別裁集卷十一目錄

梁朝鐘 一首

方以智 一首

黃周星 一首

陳瑚 三首

徐枋 一首

譚貞良 二首

黃淳耀 三首

吳易 三首

黃翼聖 一首

周立勳 三首

夏完淳 四首

鄭露 七首

劉良城 一首

沈壽民 一首

邢昉 三首

施武 二首

葉襄 二首

陸圻 一首

沈欽圻 五首

目錄

顧夢游 三首

錢秉鐙 八首

顧絳 十六首

韓洽 六首

朱鶴齡 一首

陳沈 一首

李沂 二首

王翊 二首

沈自然 一首

屠曠 一首



式自燃

一首

年賦

二首

李飛

二首

鄭光

一首

朱繼

一首

葛命

六首

蕭繼

十六首

彭秉

八首

陳煥

三首

明詩別裁集卷十一

沈德潛確士同輯

長洲周鳳準欽萊

梁朝鐘 朝鐘字未央順德人崇禎己卯舉人殉節死

將出皖留別楊六符沈乃功唐聖俞徐譽

星

船傍垂楊別緒生。煙含春樹鴈歸聲。群公縞帶遺  
吳錦幕府青絲唱。渭城幾樹烏啼趨。夏口何時馬  
首望。西京江南江北如相憶。千里高樓待月明。

方以智 以智字密之桐城人崇禎庚辰進士授翰林檢討革命後為僧名弘智

看月

一片鍾山月。那從嶺外看。昔嘗臨北關。今獨照南  
冠。萬里天難問。三更影易寒。夢中兒女路。莫憶舊  
長安。

黃周星

周星字九煙上元人崇禎庚辰進士晚變名黃人字略似自沉於水

秋日與杜子過高座寺登雨花臺

被髮何時下大荒。河山舉目共淒涼。客來古寺談  
秋雨。天為幽人駐夕陽。去國屈原終婞直。無家李  
白只佯狂。百年多少憑高淚。每到西風灑幾行。

陳瑚

瑚字言夏太倉州人崇禎壬午舉人



贈吳興公

我非陳孟公。君乃吳季子。千金重一諾。結交有終始。仗劍作遠遊。欲為報讐死。惜哉時不遇。長歎歸故里。其事雖不成。其名滿人耳。李映碧廷尉遺地圖。盼不以悲。悲與同。

圖畫山川感慨多。邊陲風景近如何。入關無復蕭丞相。聚米空思馬伏波。一江橫似隸九州。五嶽小於螺。錯疑留守魂歸夜。風雨聲聲。渡河。  
未語紙上有聲恐流連光景者不能作亦不解讀

山中喜遇徐昭法共飲

一日言吳集卷十一  
二  
一夜寒香萬樹開。相逢花下且銜杯。窮途兄弟難  
成醉。故國風煙易入哀。雪滿山中蘇武窖。雲橫江  
上謝翱臺。寸心不盡斜陽晚。濕遍青衫首重回。

徐枋

枋字昭法吳縣人崇禎壬午舉人考文靖公殉節後隱於上沙

別詩

上山采薇蕨。日暮不盈把。苦飢不足悲。將遺同心者。良友遠別離。踟躕送於野。我有盈觴酒。黃流傾玉尊。申以遠遊曲。中懷期共寫。清商一何悲。四座和者寡。恐傷遊子心。攬涕不敢下。景光已西馳。日月不我假。

譚貞良

貞良字元孩嘉興人崇禎癸未進士

樓桑先主廟

系出中山近名從小沛聞卜鄰占李定望氣得周  
群象叶黃龍瑞符仍赤帝文全家頻脫險一旅忽  
能軍名士收諸葛英雄獨使君志寧摧百戰力已  
限三分淚盡髀生肉魂歸棧入雲枯桑遺廟折野  
火斷碑焚繫馬寒風急題詩塞日曛粉榆存舊社  
絃管尚紛紛

題河梁泣別圖

都尉臺前起朔風節旄空盡路西東不知別淚誰



先落同在河梁夕照中

黃淳耀

淳耀初名金耀字蘊生嘉定人崇禎癸未進士乙酉城破自縊

野人

野人歎息王師勞秦賊楚賊如蝟毛攻城掠野官

吏死大江以北民嗷嗷昨聞死賊劫財賦分與官

軍作賄賂亂斫民頭挂高樹黎明視賊賊已去

時章

疏皆稱賊為死賊

野人歎息年歲惡池中掘井井底涸飛蝗引子來

蔽天枉自傾家事田作朝廷加派時時有哭訴官

司但揺手歸逢吏胥狹路邊軟裘快馬行索錢

野人歎息朝無人。朝中朋黨如魚鱗。十官召對九  
官默。匍伏苟且容一身。廟堂何人理陰陽。頻年日  
食四海荒。吾欲上書問朝士。却恐人訶妄男子。  
朝野

大勢如是雖欲  
不亡其可得乎

吳

易

易字日生吳江人崇  
禎癸未進士殉節死

威寧伯王襄敏公越

威寧熊羆姿。高視氣敵萬。脫畧繩墨外。勇智走飛  
電。大廷吐奇言。排閭怒風旋。威聲動異域。瓌特震  
所見。目屬膺帝心。短袂故上殿。帝曰快御史。為朕  
將而弁。所部皆鷹騰。公也身搏戰。擣虛握勝策。入

穴虎乃困。一炬紅鹽池。冰天千帳爛。烽消玉關煙。  
雪卷陰山片。轅門正高會。琵琶奏哀艷。戰士挾秦  
姝。頓使死力賤。豁達籠豪英。出沒神鬼眩。丈夫重  
勲名。志豈在鐵券。絕塞懸孤臣。中援何足玷。慘淡  
黃金印。零落白羽扇。風塵暗不開。北顧撫長劍。爲威

寧一洗其辱。懷賢諸詠原本少陵人京而已之抱負自出三章擇其尤有骨幹者

### 定襄侯郭忠武公登

郭公武定孫。神駒渥洼好。十齡走健筆。歛吸振奇  
藻。洞徹春秋義。兵法腹笥了。安危異人出。所以莫  
皇造。英宗北狩初。決機一何早。黃塵擁翠蓋。痛憤



居庸道紫微爲盪搖柱極西欲倒我公奮孤撐乃  
心協少保國也今有君揮血視清昊截業雲中城  
虎豹鬱相抱崩騰萬馬陣擊衆每用少猿臂捷有  
神鐵甲盡穿縞楊石雄軍聲鎖鑰資電掃撇烈天  
調翻槎枒地龍繞豈多三軍力遂爭造化巧詩看  
橫槊賦檄倚馬上草排宕非常姿灑氣秋空晶高  
詠戰場篇寂寞風流給

少保戚公繼光

大將東南誰戚公真鷹揚雄情恣捍闔秘策揮陰  
陽夙奉綦履訓更見經術詳結友傾賢豪文采殊

頡頏曉達三門流以律師所臧龍鳥追武侯衡軸  
通軒皇變化開精心什伍為鴛鴦少保所結陣名島夷蹂南  
土兵氣慘不張閉營百日練戰士虎力强疾掃溟  
波平受鉞總薊方計伸犁庭威十萬環徧廂遠猷  
振華夏定策為周防亭障雜星羅旌旄蔽日光呼  
韓遂稽首郅支亦來王欵關四十年戎馬不敢履  
伐暴貴上兵功豈必戰場竟無通侯賞坐使壯士  
傷時平武略絀世亂智勇長問彼登壇者曷以恢  
我疆

黃翼聖

翼聖字子羽太倉州人崇禎中降召官安吉知州

卷之六

渝城度歲  
風俗他鄉異  
巫歌達四鄰  
江明無月夜  
猿喚不眠人  
眷屬生兼死  
年光臘帶春  
客中艱一醉  
辜負物華新

周立勳

立勳字勳自  
華亭縣學生

詠懷

東登泰山巔  
纍纍見城郭  
秋風吹平原  
牛羊下寒澤  
呂尚本陰謀  
漁釣竟所托  
神明啓遠疆  
後世資經略  
遭逢良有時  
志士固窮約  
飄蓬西南征  
浮雲散林薄  
悲哉大國風  
田橫不可作



傷春

平池曲巷古祠東。幾樹桃花落晚風。明日殷勤樽  
酒後。春光已過別離中。白燕墳前載酒過。幾人同唱柳枝歌。莫愁一夜花  
如雪。搖落春心自此多。

夏完淳

完淳字存古華亭人考功郎允彝之子殉節死存古  
十五從軍十七投命生為才人死為鬼雄汪錡不足多

也詩格亦

高古罕匹

秋懷

涼風何瑟瑟。吹我遊子顏。歷歷江上林。流蟬鳴其  
間。浮雲西南征。一去何時還。駕舟凌洪波。杖策窮

崇山君子不遑息。小人豫以閑感激。在溝壑敢念  
徒旅艱。中夜起百憂。勞人獨長歎。坐感父許年。  
秋色從西來。風物自淒緊。金飈辭炎暉。玉露戒商  
軫。鶻鳩薄暮鳴。幽蘭望秋墮。零落在一時。榮華若  
朝菌。高從巢父棲。下與壺公飲。靜觀百歲間。無名  
以為準。

精衛

精衛填海。無則悲。意欲救帝。

北風蕩天地。有鳥鳴空林。志長羽翼短。銜石隨浮  
沉。崇山日以高。滄海日以深。媿非補天匹。延頸振  
哀音。辛苦徒自力。慷慨誰為心。滔滔東逝波。勞勞

成古今

此淵明詠  
荆軻作也

秋夜感懷

登樓迷北望。沙草沒寒汀。月涌長江白。雲連大海

青。征鴻非故國。橫笛起新亭。無限悲歌意。茫茫帝

子靈

廊

露

露字湛若南海縣學生城陷為兵所  
害。湛若詩原本楚騷五言尤勝

洞庭酒樓

落日洞庭霞。霞邊賣酒家。晚虹橋外市。秋水月中

槎。江白魚吹浪。灘黃雁踏沙。相將楚漁父。招手入

蘆花

五言佳處全在氣韻不求平於語言  
對偶之間得此意可與讀湛若詩

蘆花



洞庭

人歸洞庭水。心遠百蠻天。虹飲吳山雨。蟬嘶楚岫  
煙。挂帆明月樹。沽酒白雲船。來雁紛南向。衡陽何  
處邊。

西湖上春

行逢新歲丹。驕馬踏城橋。旭日催蘅帶。春人艷柳  
條。香車流水擊。仙袂逐風飄。小鳳銜花去。空傷雲  
漢遙。

虞山謁舜祠

荒服垂衣日。三苗格命年。鳥耘于畝籍。龍御九疑

煙蒲阪征雲外。蒼梧落照邊。何人撫瑤瑟。離恨隔

湘川

真山詩集

采石

牛渚青天月長懸。供奉祠如何。今夕酒不共。昔人  
持高詠。誰能似扁舟。從所之。溯洄殊未已。言折楚

江蘿

西歐土春

浮湘禮三閭。墓田尋賈生故宅

浮湘孤月下。靈渠牢落殘。魂伴索居庚子日。斜聞  
野鳥。端陽沙渚見江魚。天高未敢重相問。年少何  
勞更上書。此去樊城望京國。定從王粲賦歸歟。

莫愁湖贈劉瞻甫

顛顛行吟落照時。莫愁湖上與君期。五噫一賦梅  
花國。三黜重逢柳士師。吳苑舊游淹越鳥。楚裳今  
雨衰江蘼。姑蘇煙月長相待。萎絕芙蓉白露滋。

劉大城

城字伯宗  
貴池人

群盜

群盜尚如此。江城未可依。健兒身手劣。祈父爪牙  
非。鼯鼠能中飽。飛鴻恒苦飢。從來比管樂。詎肯泣  
牛衣。

沈壽民

壽民字眉生宣城縣學生舉  
賢良方正門人私謚貞文



訪姜如農城北

石公嚴譴後。又見荷戈新。曠代留遺直。殘山待老  
臣。龍歸天上馭。環賜夢中身。生死昭亭畔。鄉園別

自春

嘉靖中石御史金以諫止醜詞謫成宣州

邢昉

昉字孟貞高淳縣學生

九江城南樓晚眺

泱泱九江口。日入煙濤深。登樓俯危檻。近見廬山  
岑。昔人此讌賞。嘉月陶幽襟。長使千載下。緬想南  
樓心。孤城何蕭條。殺氣餘秋陰。交衢無人行。荒榛  
遂如林。撫事遽成往。含悽方在今。履運適如此。憂

端苦沉沉

溪行屢經與亡友胡印度別處

濺濺溪水側。是子門前路。涓流亂石間。褰裳乃可渡。  
渡憶昔造子廬。欸欸平生故尊醪。亦時有日晏未  
遑去。相送屋東偏。幽林每徐步。欹岸注微波。殘陽  
在高樹。情因老易悲。欲別恒返顧。茲來溪草綠。偶  
到臨分處。子猶耿夙懽。子已長不寤。流泣但徘徊。  
空慚子桑扈。

故宮燕

君不見故宮燕。春風秋雨秋風幾。回換宮中風雨長。蓬

驚飛入宮牆。繞虛殿。穿簾度閣。羽差池。盡日呢喃。  
人未知。柳下乍銜。千點絮。花間仍拂。萬年枝。玉階  
寂寞。采恩冷。畫棟回翔。春燕影。歲歲營巢。竟不成。  
春來秋去。誰曾省。可憐此度。秋風早。整頓毛衣。猶  
自好。徘徊欲別。未央宮。萬戶千門。忽如掃。鐘簾何  
年去。洛陽仙人醉。漢淚成行。最苦西飛。雙燕子。重  
來不見舊宮牆。

施

武

武字魯孫  
長州人

相見坡

上坡面在山下。坡山在面相見。令人愁何如。不相



見

烏鴉關

朝上烏鴉關暮下烏鴉關老烏啼啞啞行人還未

還高盡境地險惡

葉

襄

襄字聖野長洲縣學生

感舊古朝收

洛蜀紛爭日君王宵旰時內朝私鬪急河北捷書

遲近輔連群盜臨郊誓六師傷心殷浩輩一蹶竟

難支

思陵時朝局及天下大勢已盡四十字中如讀少陵落下天中諸作

喜康小范孝廉至兼弔楊機部閣學

萬里清江浪拍天。故人消息動經年。重來麋鹿長  
洲苑。歸去荒蕪彭澤田。虎帳角殘辭部曲。龍沙旗  
折偃戈船。盧諶淪落劉琨死。回首章門一惘然。

陸

圻

圻字麗京  
錢唐貢生

與歌者陳郎

落日橫江老白蘋。同鄉停問一相親。未嫌李尉翻  
新曲。且喜何戡是舊人。玉管謾吹秋月白。紅牙曾  
對綺筵新。坐中恐有傷心客。莫按伊涼水調頻。

沈欽圻

欽圻字得輿。長洲縣學生。周準填諱。先大父詩中歲  
愛劉隨州晚境愛陸放翁五言。如山橫去鳥。外人立晚

霞邊學易應龍我言詩。或起于七言。如冷岸孤舟。擗月白荒村。一犬  
吠燈紅。皆陸大僕起頽所稱賞者。茲錄感時傷事六章。異於流連光

景之作有闕風教不在語  
言之工也孫男志潛敬識

書事

天地兵戈滿江湖。竄頻布衣難許國。淚眼不逢  
春玉闕。悲龍馭雄關。喪虎臣。唐家靈武業。望斷素  
衣人。  
此忠陵殉社稷後有望於南都擁立也江邊老人  
淚暗泣眼昏不見風塵清晏時感事古今一轍

詠史

臥薪嘗膽日。縱飲擘棧時。但識憑江險。而忘厝火  
危。一堂爭洛蜀。四鎮角熊羆。此日王夷甫。清言或  
未宜。

君臣魚水合。半壁且遊嬉。樂奏李天下。歌傳郭順



時。還。須。求。故。劍。慎。勿。剪。連。枝。野。老。瞻。烏。意。茫。然。空。

爾思

此留都事勢也不止於從臣皆半醉天子自無愁矣須求故劍勿剪連枝當時草野自存公論

亂後哭友

故。友。如。黃。葉。傷。心。漸。覺。稀。途。窮。天。地。窄。世。亂。死。生。微。腹。痛。車。頻。過。琴。亡。人。已。非。嗟。余。稱。後。死。慟。哭。返。荆。扉。

哭劉剩菴先生

名永錫

萬。里。離。家。客。孤。身。易。簣。時。變。名。唯。恐。識。後。死。尚。嫌。遲。麥。飯。鄰。僧。薦。蓬。廬。野。父。悲。招。魂。弟。子。事。愧。乏。楚。

人辭

顧夢游

夢游子與治  
江寧學生

訪鄒滿宇溪上

言尋居士家。薄暮清溪道。荒原鳥獨飛。寒木雲相  
抱。入室聞疎鐘。開門見秋潦。落葉坐來多。清風時  
一掃。

同蔡大美徐曰贊沈洽先秦淮夕泛

落日澹生煙。波明影碧天。人來花檻裏。酒出板橋  
邊。楊柳風干樹。笙歌月一船。十年重對此。回首各  
淒然。

社集天界循公房

來已半春徂。佳游欣有徒。鳥窺遲日下。花近午風  
蘇。世事到山盡。高言對佛無。杖錢曾不繫。隨意乞  
香厨。

錢秉澄

秉澄字幼光桐城人。幼光自好情性無意工詩五言似陶公亦在神理不在字句與高忠憲歸待詔所謂同工異曲者也

效淵明飲酒詩

寄生大塊中。何者爲我故。譬如逆旅物。暫有安足  
據。在世雖百年。畢竟舍之去。臨去豈不戀。戀亦不  
得住。所以達觀人。澹然隨所遇。委順生死間。不厭  
亦不慕。日飲一杯酒。可以全此趣。

田園雜詩



夙昔慕躬耕。所樂山澤居。憂患驅我遠。常恐此志  
虛。十載一言歸。舊宅已焚如。嗟我昆與弟。茅茨倚  
廢墟。徘徊靡所栖。還結田中廬。結廬雖不廣。牀席  
容有餘。牀上何所有。一二古入書。熒熒陂上麥。青  
青畦間蔬。日入開我卷。日出把我鉏。  
仲春遘時雨。旣雨旋亦晴。百草吐生意。衆鳥噎新  
聲。紛紛群動出。各各有其營。孰是形骸具。而懷安  
居情。老農憫我拙。解軛爲我耕。教以駕馭法。使我  
牛肯行。置酒謝老農。願言俟秋成。  
一春勤稼穡。草木荒東園。今晨始芟刈。逝將除其

根良苗常恐短。惡草常恐繁。腰斧伐荆棘。用以衛  
籬藩。荆棘傷我手。淋漓手中痕。手傷不足道。籬弱  
何以存。家人挈酒至。滿斟在瓦盆。勸我飲一醉。頽  
然卧前軒。前軒無人來。春風開我門。

鷄鳴識夜且。烏鳴識天時。東臯人語語。我起毋乃  
遲。攬衣出門早。且復驅其兒。黃犢初教成。我鋤子  
則犁。犁鉏豈不苦。衣食道在茲。道旁一老父。聾蹙  
前致辭。言兒筋力薄。稼穡非所宜。詩書世所輕。猶  
是祖父遺。如何舍素業。自甘辛苦爲。多謝老父言。

此意君未知。呼兒且飯牛。吾去燒東菑。

若一說明  
索然無味

春天不久晴。衣垢及時澣。身上何所著。敝襦及髡  
短。家人念我寒。一杯爲斟滿。酒滿不可多。農事不  
可緩。奮身田野間。襟帶忽以散。乃知四體勤。無衣  
亦自煖。君看狐貉溫。轉使腰肢嬾。

人生會有盡。行止非自由。止亦不可趣。行亦不可  
留。如何柴桑叟。汲汲爲此憂。終年痛飲酒。冀以忘  
其愁。吾身聽物化。化及事則休。當其未化時。焉能  
棄。所謀有子亦須教。有田亦望收。天心與人事。何  
息不周流。我不離世間。而願與天游。焉能外親戚。  
視之同聚漚。乃知黃老書。不如孔與周。

末章將倫常日用存順沒寧和



盤托出可以  
想其品既矣

金陵即事

秋山無樹故峻嶒幾度支筇未忍登  
荒路行愁逢牧馬舊交老漸變高僧  
鐘樓自吼南朝寺佛塔還然半夜燈  
莫向雨花臺北望寒雲黯淡是鍾陵

入空顧

絳 絳字寧人後更名炎武崑山人終於山西寧人埤力於學自天文地理古今治亂之迹以及金石銘碣音韻

字畫無不窮極根柢韻語其餘亦也然詞必已出事必精當風霜之氣松柏之質兩者兼有就詩品論亦不肯作第二流人

述古

微言既以絕一變為縱橫下以游俠權上以刑名

衡六國固畫畫漢與亦攘攘不有董夫子大道何

由明孝武尊六經其功冠百王節義生人材流風  
被東京世儒昧治本一槩而相量於乎三代還此  
人安可忘

六經之所傳訓詁為之祖仲尼貴多聞漢人猶近  
古禮器與聲容習之疑可睹大哉鄭康成探賸靡  
不舉六藝既該通百家亦兼取至今三禮存其學  
非小補後代尚清談士苴斥鄒魯哆口論性道捫

齋同矇瞽

清言何足論采人掃斥箋疏亦  
偏見也篇中議論豈云小補

五國並時亡世道當一變掃地而更新三王功可  
見鼓琴歌有虞釣者知其善區區山澤間道足開

南面天步未回旋九州待龍戰空有濟世心生不  
逢堯禪何必會風雲弟子皆英彥俗吏不知人寥  
落儒林傳自註文中子書五國並時而亡蓋傷先王之道盡墜故君子大其言極其敗於是乎掃地而求更新也後賢以隋史無王通傳疑為烏有先生果爾古人之可疑者多矣此詩可為正論

謁夷齊廟

言登孤竹山。愾焉思古聖。荒祠寄山椒。過者生恭  
敬。百里亦足君。未肯滑吾性。遜國全天倫。遠行辟  
虐政。甘餓首陽岑。不忍臣二姓。可為百世師。風操  
一何勁。悲哉尼父窮。每歷邦君聘。楚狂歌鳳衰。荷  
蕢識擊磬。自非為斯人。棲棲無乃佞。我亦客諸侯。



猶須善辭命。終懷耿介心。不踐脂韋徑。庶幾保平

生。可以垂神聽。

唐人登首陽山只淡淡寫景此作者自抒懷抱應以議論為長

### 過矩亭拜李先生墓下

人生無賢愚。大節本所共。蹉跎一失身。豈不負絃  
誦。卓哉李先生。九流稱博綜。心鄙馬季長。不作西  
第頌。屏居向郊坰。食淡常屢空。清修比范丹。聰記  
如應奉。力學不求聞。終焉老家術。同時程中丞。一

疏亦驚眾。玉璽安足陳。亟進名臣用。

自註中丞名紹德州左衛人巡撫河南時

漳河旁得王璽上疏秦璽不足珍國家以賢為寶薦黨藉諸臣十餘人不納遂謝病歸

黨論正紛拏。中朝並

罷訟。世推山東豪。三李尤放縱。祠奄與哭典。後先

相伯仲。初踰士類閑。竟折邦家棟。悲哉五十年。風塵尚瀕洞。我來拜遺阡。增此儒林重。雖無警咳接。猶有風流送。自非隨武賢。九原誰與從。  
自註漢司隸校尉魯峻碑休神家術

龍門

亘地黃河出。開天此一門。千秋憑大禹。萬里下崑崙。入廟煮蒿接。臨流想像存。無人書壁問。倚馬日將昏。

高山

位宅中央正。高疑上界鄰。石開曾出啓。嶽降再生申。老柏搖新翠。幽花茁晚春。豈知巢許窟。多有濟

時人

訓王處士九日見懷之作

是日驚秋老。相望各一涯。離懷銷濁酒。愁眼見黃  
花。天地存肝膽。江山閱鬢華。多蒙千里訊。逐客已  
無家。

與江南諸子別

絕塞飄零苦著書。竭來行李問何如。雲生岱北天  
多雨。水決淮壩地上魚。濁酒不忘千載上。荒雞猶  
唱二更餘。諸公莫效王尼歎。隨處容身足草廬。自註

管輅別傳雞一二更鳴者為荒雞。晉書王尼傳尼早喪婦有一子無居宅唯  
畜露車有牛一頭每行輒使御之暮則共宿車上嘗歎曰滄海橫流處處不



世安

訓傳處士

清切頻吹越石笳。窮愁猶駕阮生車。時當漢臘遺  
臣祭。義激韓讐舊相家。陵闕生哀回夕照。河山垂  
淚發春花。相將便是天涯侶。不用虛乘犯斗槎。

劉諫議祠贊

皂囊青史漫傳名。白日黃泉氣未平。自古國亡緣  
宦者。可憐身沒尚書生。荒阡草長妖狐出。舊驛風  
寒倦馬行。一自德陵升馭後。山河祠廟總淪傾。

贈郝將軍太極

滇人天啓中守澧益余於敘功隴識其姓名今為醫客於吳之上津橋言及舊

有感而  
有贈

曾提一旅制黔中。水蘭諸酋指顧空。入楚廉頗猶  
未老。過秦扁鵲更能工。風高劔氣蛉川外。水沸茶  
聲鶴澗東。橋畔相逢不相識。漫將方技試英雄。

賦得秋柳

昔日金枝間白花。只今搖落向天涯。條空不繫長  
征馬。葉少難藏覓宿鴉。垂老桓公重出塞。罷官陶  
令。乍歸家。先皇玉座靈和殿。淚灑西風向日斜。

題俱有關係此  
社陵詠物體

華山

四序乘金氣。三峰壓大河。巨靈雄嶺巔。白帝儼巍  
峩。地劣窺天井。雲深拜斗阿。夕嵐開翠巘。初月上  
青柯。欲摘星辰墮。還虞虎豹訶。正冠朝殿闔。持杖  
叱羲和。勢扼雙嶂壯。功從駟伐多。未歸桃塞馬。終  
負魯陽戈。山鬼知秦帝。蠻王屬趙佗。出關收楚魏。  
浮水下江沱。老尚思三輔。愁仍續九歌。唯應王景  
略。歲晚一來過。

禹陵

更遊江

風高

嶺巔

嶺巔

嶺巔

大禹巡南守。相傳此地崩。禮同虞帝陟。神契鼎湖

升。窆石形模古。墟宮世代仍。探奇疑是穴。考典或



言陵玉帛千年會。山河一氣憑。御香來敕使。主守  
付髡僧。樹暗巖雲積。苔深壑雨蒸。鶴鷗呼冢柏。蝙蝠  
下祠燈。餘烈猶於越。分封並杞鄆。國詒明德脈。  
人有霸圖稱。往者三光墜。江干一障乘。投戈降北  
固。授子守西興。冲主常虛已。謀臣動自矜。晉天皆  
爵祿。無地使賢能。合戰山回霧。窮追海踐冰。蠡城  
迷白草。鏡沼爛紅菱。樵採岡林徧。弓刀塢壁增。遺  
文留仆碣。仄徑長荒藤。望古頻搔首。嗟今更撫膺。  
會稽山色好。悽惻獨攀登。

高漸離擊筑

神州移水德。故鼎去山東。斷霓夫人劍。殘煙郭隗宮。  
身留烈士後。跡混市兒中。改服心猶苦。知音耳自通。  
沈淪餘技藝。忼慨本英雄。壯節悲遲暮。羈魂迫固窮。  
一吟遼海怨。再奏薊邱風。不復荆卿和。哀哉六國空。

韓

洽

洽字君望長州人隱居陽山

題李龍眠諸夷職貢圖

元豐二年畫

有唐貞觀萬國寧。殊方異域皆來庭。立本為圖擬王會。詭形怪狀流丹青。龍眠居士生有宋。未必諸蕃真入貢。得毋舊本重臨摹。左食貫胸聊玩弄。元

豐天子承平日。君臣競講強兵術。不知中國正凋殘。馳想海邦兼日出。貢。葵。西。旅。四。夷。賓。作。訓。猶。煩。保。傅。臣。為。間。伯。時。圖。作。貢。何。如。鄭。俠。繪。流。民。

如此立意方異

風雲月露愚采明未諸賢詩當谷音一集可也

### 黃孝子端木萬里尋親

父子分殊域。趨庭道路難。一身衝虎豹。萬死涉風湍。乍識容顏是。翻悲涕淚乾。故園今共反。猶作夢中看。

### 雪下紅

籬落徧積素。愈知顏色丹。故非嘉卉列。聊作野花



看天道存微物韶華惜歲闌芳心良獨苦誰謂不知寒

鐵馬

急響中宵發凌空鐵騎行不知風信至頓使旅魂驚當世正多事吾儕方苦兵那堪檐宇下又作戰

場聲

下半忽然推開感慨時事詠物詩中別有天地

關山月

曉角數聲哀邊風捲地來十年征戍客不上望鄉

臺

翻進一層倍覺沉痛

聞鴈

朔風吹鴈渡江干。月白霜清響尚寒。孤客幾回愁裏聽。故鄉何處報平安。

朱鶴齡

鶴齡字長揚吳江州學生

感遇

薇蕨苟可采何必在首陽。清流苟可泛何必在滄浪。至入處委蛇守已非一方。直木寧見伐芳蘭寧遂傷。縱志游霄漢俯仰隨翱翔。

陳忱

忱字退心烏程人

闕羅隱詩

餘杭山水役精魂。末世才人眼界昏。憔悴感恩依

尚父可憐尚父事朱溫

非貶昭諫借此發出正論也。武肅不討朱溫實為當時恨事知李臣子真英雄矣

李

沂

沂字子化與化縣學生

刺贈魏叔子

魏生嶽嶽目如電董子祠傍忽相見豫章國士天下聞生不逢時且貧賤東西奔走非無故側身海內求英彥即今屠釣豈無人常恐摧頽筋力變握手數語露肺肝別我西歸尋考槃子之往今各努力歲暮雨雪江風寒

挽從伯瞻鹿公

喪亂君臣在偏安社稷蕪封章懸日月旅櫬歷江



湖報國餘孤劍。匡時屈壯圖。故園春樹綠。愁聽野

禽呼。

王長翊

翊字介人嘉興布衣。介人七言如周道秋風行黍稷漢宮春雨長蒲桃西蜀諭通司馬檄中山謗滿樂羊書

夜月旌旗五馬渡秋風草木入

公山極工鑄語無竟陵氣習

村居

火漸曲曲肥咬情語林白蕪開首

獨樹寒煙外。孤村流水間。偶隨花草去。遠逐漁樵

還。用暝罷垂釣。日斜長掩關。何年事高隱。歸卧鹿

門山。

客中九日

細雨成陰近夕陽。湖邊飛閣照寒塘。黃花應笑關

山客每歲登高在異鄉

沈子山云不失唐音

沈自然

自然字若服吳江人

江南樂

初景爛銀浦。盍盍浮灘。鵝儂情兩搖蕩。持比春江色。江深蓮子齊。水暖鴛鴦棲。不須更相問。家住橫塘西。橫塘連夾浦。曲曲明如許。誰打白蘋開。前溪夜來雨。雨霽上南樓。天高水影浮。出門郎不見。仍蕩采蓮舟。

音節神似西州曲

禽平屠

曠

曠字闕伯嘉興縣學生

賦贈別表重其

高飛鴻鴈滿關河。此日寒江起夕波。庾信哀時常  
作客。梁園去國獨行歌。霜淒茂苑清砧急。月照荒  
臺落葉多。爲問吳中舊知己。空山叢桂近如何。

明詩別裁集卷十一



江南雜

樓前低樓萬卷十一張

塘西行舟逢晚浦曲曲明如許

又或雨前南樓天其小

空山巖林並吐

林空翠園去因

高深無

明詩別裁集卷十二目錄

龔恭賢 一首

顧同恭 一首

杜濬 五首

方爾文 一首

岑文徵 一首

紀映鐘 一首

申涵光 二首

蔣文易 一首

戴冠 一首

月守小成集卷十二目錄

費密 二首

朱茂暉 一首

朱茂曙 一首

王光承 一首

俞汝言 一首

張綱孫 四首

吳騏 七首

周箕 二首

陳恭尹 七首

肥精 徐燕夜 卷十一 二月 疑



余懷 二首

潘問奇 三首

周同谷 一首

梵琦 四首  
以下方外

宗泐 二首

守仁 一首

道衍 一首

大向 一首

明秀 一首

宗倫 一首

月寺別錄卷之二目錄

通潤 一首

道源 一首

讀徹 二首

董光祿 一首

郭貞順 一首  
以下名婉

陸娟 一首

沈瓊蓮 一首

屈安人 一首

黃安人 一首

方維儀 三首

黃幼藻 一首

商景蘭 一首

曹壽奴 一首

僕遜 一首 以下外國

申從濩 一首

崔澱 一首

成侃 一首

林悌 一首

姜克誠 一首

李仁老 一首

月詩別成集卷之二目錄



鄭之升 一首

許景樊 二首

李氏 一首

占城貢使 一首

洞庭老人 一首

朱鈞 一首

謝道韞 一首

趙鼎 一首

趙鼎 一首

黃心 一首

明詩別裁集卷十二

沈德潛確士

長洲

同輯

周準欽萊

冀

賢

賢字平千  
上元人

扁舟

扁舟當曉發。沙岸杳然空。人語蠻煙外。雞鳴海色中。短衣曾去國。白首尚飄蓬。不讀荆軻傳。羞為一

劍雄

顧

苓

苓字云美吳縣人吳江貢生

石公山

茫茫三萬頃。日夜浴青蔥。骨立風雲外。孤撐濤浪中。若令當路出。應作一關雄。朱勛真多事。荆榛滿故宮。

應歎賢者不用而小人誤國也。下半拓開得唐人格律。

杜濬

濬字子皇。黃岡人。茶村長篇。頗近頽唐。又聞燈船鼓吹歌。以此得名。其實頽唐之尤者也。茲錄其整頓有骨格者。

游夾山漾

出塢謝群賢。放舸理長嘯。煙岫映澄波。始知所歷妙。林壑羅秋姿。紫翠昏寒照。蘋汀欲為雪。楓岸忽如燒。目逐絕境往。意愜佳處要。層峰何嬋娟。灣環亦窈窕。泛漾疑江湖。回帆復蘿葛。面面見道場。一起憑弔。尋幽不覺遲。歸晚顧而笑。石門免見訶。



登樓感同調

嵇康

嵇康人中龍。義不可當世。視彼盜國臣。伎倆如兒戲。吐辭薄湯武。千載有生氣。臨命索琴彈。聊示不屑意。

登金山塔

極目非無岸。滄波接大荒。人煙沙鳥白。春色嶺雲黃。出世登初地。思家傍戰場。咄哉天咫尺。消息轉

茫茫

蒼蒼莽莽自是  
是大家舉止

焦山

觸處迷人代。茲山尚姓焦。上頭仍棟宇。到眼忽雲霄。  
樹色南徐近。江聲北岸遙。衣冠留洞壑。不必訪松寮。

出郭來差遠。憑高望獨深。江分神禹跡。海見魯連心。  
密竹藏金像。回流灌石林。擬尋幽絕處。却誦白頭吟。

方文

字爾止  
桐城人

攝山絕頂

下方惟見石。不信有柴荆。仄徑盤空上。危峰到頂平。  
夕陽千嶺秀。春水一江明。愁絕浮雲外。蒼茫舊

帝京

岑

徵

徵字金紀  
南海人

湘潭晚春寄耒陽胡使君

花落鶻啼日欲曛  
白蘋洲畔悵離群  
東風綠遍章臺柳  
夜雨寒生夢澤雲  
避地少陵猶寄食  
依人王粲漫從軍  
春深塞鴈皆還北  
書札何因報使君

紀映鍾

映鍾字伯  
紫上元人

學圃贈鄧生

我為東湖樵子學  
南山圃相逢大道傍  
雪涕問勞苦我逢  
冬青樹再拜不敢  
斧子有東陵瓜屢  
瀆深



秋雨生事尚饑寒吟詩坐蒿堵

申涵光

涵光字息盟廣平人

路氏妹江南使來

骨肉何由見音書隔歲逾  
雨深楊子驛霜白趙王宮  
旅食憐空橐鄉心逐斷蓬  
十年戀慈母淚盡北來鴻

懷太原傅青主

曾約溪村訪釣竿數年設榻待君歡  
亂離苦憶良朋少衰病應愁遠道難  
晉國山川容白髮中原天地此黃冠  
幸將卷帙傳高迹日向晴窗展畫看

蔣

易

易字前民  
江都人

坐白雲清涼山頂留別杜于皇

招提上夕陽。別酒置崇岡。秋老孤帆色。人輕百戰

場。江雲平楚岸。風葉減吳霜。來日空回首。思君獨

渺茫

世書四附十字  
三四附十字  
五附十字

戴冠

冠字義仲更名易  
字南枝山陰人

一盃腹釣臺懷古

赤伏符興罷戰爭。釣竿三尺足平生。遠攜仙女桐

江隱。深悔羊裘大澤行。一夜星辰凌帝座。九重貴

賤見交情。請看七里瀧中水。未到錢唐徹底清。

南枝

釣臺詩多至千餘章皆潦倒淺率此擇其尤雅者首尾渾成精神滿腹可以傳世

費密 密字此度四川成都人亂後流寓揚州

亦升符朝天峽... 羊三... 只... 平... 主... 謝... 山... 女... 酥

一過朝天峽。巴山斷入秦。大江流漢水。孤艇接殘

春暮色愁過客。風光惑榜人。明年在何處。杯酒慰

艱辛 三四語十字成句王新城尚書所謂十字堪千古也

棧中... 風... 吳... 來... 日... 空... 回... 首... 思... 哀... 餘

棧閣通秦道。青天不易得。盡過奇絕處。不負有平

生。白馬巖中出。黃牛壁上耕。野花埋輦處。幸蜀只

空名。



朱茂暉

茂暉字子若秀水人祖蔭授中書舍人

兩代吳譚禮部元孩

去日乘桴易歸愁度嶺艱河山成死別兒女望生

還劍氣沉三島文星墮百蠻旅魂招未得何處望

鄉關

朱茂曙

茂曙字子衡秀水縣學生

秦淮河春游即事

橋下溪流燕尾分灣頭新水慣湔裙六朝芳草年

年綠雙調鳴箏戶戶聞春雨杏花虞學士酒旗山

郭杜司勳兒童也愛晴明好紙剪風鳶各一羣

王光承

光承字玠石  
上海諸生

平海雙送人之廣南

並馬銜盃日未曛羊城山水正愁君秋聲已入庭

前樹客路遙尋嶺外雲溟海上連辰極動星河南

去越天分年來莫問流人狀知有清猿不可聞

俞汝言

汝言字石吉  
秀水諸生

進艇

晴川曲曲抱沙隄岸柳依依遠近齊山色欲開疎

雨外夕陽忽在亂峰西舟前波浪加流駛望裏煙

嵐魯樹低作客乘春行處好故鄉曾否息征鞞

張綱孫

綱孫字祖望錢塘人。古詩得杜一體時武陵諸子以祖望為最

涿州城

曉霜不在地。微白生牛背。遙望涿鹿城。陸然沙磧內。控縲走其下。壁立皆土塊。此地古范陽。甲兵天下。最側耳聞啼。飢傷心自我輩。野狼遇人嗥。蒼鷹攫雉碎。生涯底如此。浩歎茲行邁。手對蒼韞囊。字

白竹村

路盤白竹林。崎嶇探窮谷。居人八九家。林抄構破屋。下惟四柱立。亭亭不附木。仰視如鳥巢。夕暝梯雲宿。已防虎豹害。復懼麋鹿觸。我行多彷徨。歧路



明詩別裁集卷十二  
不敢哭。日晚慎前行。何處堪投足。

晏城

小小古晏城。西對華不注。韋花昔之晉郤克。逐馬匝

此處。我行實已倦。解鞍歇薄暮。鴟梟嘯其群。老鳥

守枯樹。不見古人跡。斷碑委樵路。手摸苔蘚痕。字

句讀未誤。平仲之采地。緬然起思慕。奈何千載後。

蕪沒如野戍。相望有遠山。恐是齊朝附。

苦旱行

田中無水騎馬過。苗葉半黃蟲齧破。五月不雨至

六月。農夫仰天淚交墮。去年臘盡頻下雪。父老俱

言水應大。如何三伏無片雲。米價騰貴人飢餓。大河之壩風揚沙。桔槔無用袖手坐。林木焦殺鳥開。平。鮐魚枯乾溝底卧。人人氣喘面皮黑。十箇熱病死。九箇安得吳天降靈雨。童兒歡笑父老賀。高田低田薄有收。比里稍可完國課。不然官吏猛如虎。終朝鞭扑疇能那。

吳

騏

騏字日千  
華亭布衣

喜汪振生歸自雲南

萬里歸來日。蓬蒿滿葦門。登堂一長慟。兄弟幾人存。豺虎關山險。烽煙日月昏。無窮故交意。相與盡

清尊

漢昭烈

名儒盧鄭久周旋。正值黃星受命年。龍種已移三

統曆。蠶叢還闢半隅天。金甌付託耕莘佐。玉几彌

留顧命篇。一代英雄生死際。銅臺遺令最堪憐。足

老瞞  
死

感時書事寄計子山陸孝曾

十月寒風急。浮雲暗大荒。客行愁道路。時事慮蕭

牆。薊北非吾土。秦中亦異鄉。空憂天欲墜。未見日

重光。廟略慙靈武。軍聲謝朔方。元臣誇定策。別帥



許勤王好爵娛姻媿官評視篚篚簾編青鳥骨玉  
斲辟邪香冠蓋晨先集笙歌夜未央冰蠶裁寶帳  
墮馬關新裝營窟謀初遂憑城氣轉揚荆牛烹可  
待國狗盜何狂鐵券封蘇峻丹書錫董昌中朝容  
桀梟群醜益鴟張百里無煙火千村絕稻梁軍行  
咸擁婦鬼哭暗聞殤朽索飢難馭開籠飽欲颺先  
須憂輦轂莫道割沮漳每作蛇蟲鬪深虞鷓蚌亡  
內睽戎伏莽外侮剝侵牀劇盜鋒初遠函關勢尚  
強霧迷黃帝陣彗集紫微房造次分旄節安危作  
棟梁諸公咸倚重吾意獨徬徨厚寵雖三錫雄圖

愧一匡。籬籬殊未固。肘腋况難防。邯鄲敗。惟降楚。温  
強且叛。唐養蛇。將螫手。筦庫遂探囊。下土棲蓬室。  
無因叫帝閭。詩題蕉葉遍。風到葛衣涼。濁酒醜難  
醉。悲歌激不妨。私心圖國是。未敢告明堂。同社多  
英俊。居貧更慨慷。華陰終拂拭。霄漢自飛翔。壯志  
清河洛。交情重太行。風濤為砥柱。冰雪見松篁。縱  
使三靈改。無移百鍊剛。累朝皆養士。努力念前皇。

此亦留都賣錄也。聞主無愁。群女障蔽。強藩踞。扈生民塗炭。作者痛哭言之。激於板蕩之章矣。

塞下曲

四牡駢駢出玉門。招持繒帛賜烏孫。為言侍子今

無恙初在京師讀魯論

少年行

紅玉鞍驕碧玉驄樂遊原上柳絲風  
詔求季布今何處只在三千奴僕中

茂陵

茂陵枯柏自巒岒露重珠襦馬上寒  
獨與銅人相對哭三更殘月下金盤

書李舒章詩後

胡笳曲就聲多怨破鏡詩成意自慙  
庾信文章真

健筆可憐江北望江南

惜其清才哀其遭  
遇言下無限徘徊



周 篋

篋字青士嘉興  
布衣隱於市

哭然公

然公釋門老。獨臥孤峰雲。古貌世莫見。高風予夙  
聞。松杉手自種。虎豹時為群。歎息永徂謝。山堂空  
夕曛。

懷舊為亡友王翊作

南浦驚心憶往年。送君獨上子猷船。烏衣舊巷看  
猶在。馬首長塗信可憐。煙樹瘴深過嶺日。寒潮風  
急渡江天。寧知陸賈遺歸橐。空為王孫給墓田。

陳恭尹

恭尹字元孝  
廣州閩德人

蜀中

子規啼罷客天涯。蜀道如天古所嗟。諸葛威靈存

八陣。漢朝終始在三巴。通牛峽路連雲棧。如馬瞿

唐走浪花。擬酌昔賢魚水地。海棠開遍野人家。高祖

以蜀王後主以蜀亡  
明眼人可與論古

鄴中

山河百戰鼎終分。歎息漳南日暮雲。亂世奸雄空

復爾。一家辭賦最憐君。銅臺未散吹笙伎。石馬先

傳出水文七十二。墳秋草遍更無人。表漢將軍表揚

才華褫奪姦

魄最為定論

隋宮

穀洛通淮。日夜流渚。荷宮樹。不曾秋。十年士女河  
邊骨。一笑君王鏡裏頭。月下虹蜺生水殿。天中絲  
管在迷樓。繁華往事邗溝外。風起楊花無處留。  
發舟寄湛用喈鍾裴仙湛天石

扶胥古渡水淒淒。雨後移舟望轉迷。數口寄居秋  
草外。一身爲客楚雲西。家無兄弟依朋友。地夾河  
山畏鼓鼙。知己片言應不負。亂離兒女藉提攜。

虎邱題壁

虎跡蒼茫霸業沉。古時山色尚陰陰。半樓月影千



家笛萬里天涯一夜砧。南國干戈征士淚。西風刀剪美人心。市中亦有吹篪客。乞食吳門秋又深。

秋日西郊讌集

時屈子歸自塞上

黍苗無際鴈高飛。對酒心知此日稀。珠海寺邊遊子合。玉門關外故人歸。半生歲月看流水。百戰山河見落暉。欲灑新亭數行淚。南朝風景已全非。

明妃怨

生死歸殊俗。君王命妾來。莫令青塚草。生近李陵臺。

臺

韻語中明是非定賞罰居然史筆

徐夜

夜字東痴山東新城人

九日得顧寧人書

故國千年恨。他鄉九日心。山陵餘涕淚。風雨罷登臨。  
異縣傳書遠。經時怨別深。陶潛籬下意。誰復續高吟。

余懷 懷字澹心福建莆田人

金陵雜感

六朝佳麗晚煙浮。擘阮彈箏上酒樓。小扇畫鸞乘霧去。輕帆帶雨入江流。山中夢冷依弘景。湖畔歌殘倚莫愁。吳殿金釵梁院鼓。楊花燕子共悠悠。

由畫溪經三箬入合溪

畫舫隨風入畫溪。秋高天濶五峰低。綠蘿僧院孤  
煙外。紅樹人家小閣西。簞水長清魚可數。篁山將  
盡鳥空啼。桃源彷彿無尋處。楓葉紛紛路欲迷。  
晚唐風格

潘問奇

問奇字雪帆錢塘人

自磁州趨邯鄲途中即事

中宵聞鬪發。日出走黃沙。風力能飛石。河冰不陷  
車。郊寒騰俊鶻。樹老立飢鴉。旁午停征轡。炊煙得  
幾家。  
比山虛風落石尤險  
每下一字俱有鋒稜

金棺峽

濤聲何所似。石罅走雷霆。地拔雙崖起。天餘一綫



青真形猱攫古。毒霧蝮蛇腥。我欲窮深險。誰能覓  
五丁。

蕭寧

縣有故瑞魏忠賢地宅

肅寧池館舊連阡。過客追思鹿馬年。齊國豎刁呼  
尚父。漢朝名士拜中涓。北司計就書難上。元祐碑  
成事可憐。獨喜左楊崇廟食。春來一曲奏神絃。

周同谷

同谷字鶴臞鹿山人

偶因微雨點蒼苔。還被輕風扇復開。應為前身是  
芳草。多情頻上院牆來。

梵

琦

梵琦字楚石象山人居海鹽天寧寺明初徵至京建法會賜座第一口以下僧詩

曉過西湖

船上見月如可呼愛之且復留斯須青山倒影水連郭白藕作花香滿湖仙林寺遠鐘已動靈隱塔

高燈欲無西風吹人不得寐坐聽魚蟹翻菰蒲

子擇

詩取無蘇筠氣者寥寥數餘章已盡其繁

漠北懷古

曠野多遺骨前朝數用兵烽連都護府柵遠可敦城象膽隨時轉駝蹄入夜明却因班定遠牽動故鄉情

北入窮荒野。人如曠古時。天山新有唱。耶律晚能  
詩。共說羊堪種。誰知繭作絲。漫漫風雪裏。南望是  
京師。

居庸關

天畔浮雲雲表峰。北遊奇險見居庸。力排劔戟三  
千士。門掩山河百二重。渠答自今收戰馬。兜鈴無  
復置邊烽。上都避暑頻來往。飛鳥猶能識袞龍。

宗

泐

宗泐字季潭臨海人洪武初舉高行沙  
門居首遣往西域求遺經授左善世

夏夜與錢子貞集西齋賦詩敘別

明月不可招。流光入堂中。白雲不可約。挂我屋上



松。茲會固難得。後會寧易逢。明朝在東郭。隔水但

聞鐘。

聽泉軒為藏無盡作

若人有耳惟聽泉。泉聲入耳長涓涓。穿林出澗度  
天樂。終古不斷冰絲絃。此聲不來耳。不往中自寂  
然。遺外響。青燈照壁夜沉沉。獨倚軒窗月東上。

守仁

守仁字一初富陽人住持  
靈隱洪武中徵授右善世

弘上人所蓄秋山圖

萬峰霜晴翠如洗。峰底行雲度流水。西北高樓爽  
氣邊。江南落木秋聲裏。蒹葭潮長魚在梁。白鷗飛

盡天茫茫松根丈人讀書處。時有疎鐘來上方。仙  
槎影沒銀漢遠。木末芙蓉為誰剪。何處涼風送客  
船。歸來似是東曹掾。東曹頗笑未識機。挂帆直待  
鱸魚肥。山川搖落已如此。未信草露露人衣。

道

衍道衍字斯道長洲人洪武中徵入侍燕府後以靖難功特授少師

京口覽古

譙榜年來戰血乾。煙花猶自半凋殘。五州山近朝  
雲亂。萬歲樓空夜月寒。江水無潮通鐵甕。野田有  
路到金壇。蕭梁事業今何在。北固青青客倦看。

大同

大同字妙止會稽人延慶寺僧修承繼大其

讀謝翱傳

南奔北走家何在，七里灘前許劔來。  
星海夜寒惟月上，冬青樹老又花開。  
側身天地聊晞髮，悵望江山獨把杯。  
一掬當年知己淚，秋風灑盡下西臺。

明秀

明秀字雪江海鹽人祝髮天寧寺時有雪江僧送王伯安謫龍場驛亦有蠻煙使馬經荒驛瘴雨寒雞夢早朝句

上句寫投荒景象下則忠愛之心亦俱傳出矣是為風雅正聲

送陳墨山還吳淞兼柬胡秋田

五茸城外月不見，十年餘顧我曾遊。  
地因君得寄書，津亭然夜火江市賣鱸魚。  
若見秋田父，還勞問起居。

起居



宗

倫

宗倫字性  
彝芝溪人

旅懷

東吳隔千里歸計尚茫然忽見梅花發他鄉又一年

通

潤

通潤字一  
雨吳僧

種松老人

飯後罷鋤春寒山信短節偶隨孤犢去適與老人  
逢見面不知姓自言能種松橫岡千萬樹大半已

成龍

格高本之唐人訪  
陸鴻漸不遇詩

道

源

道源字石林太倉  
人居吳北禪寺

早梅

萬樹寒無色。南枝獨有花。  
香聞流水處。影落野人家。

讀

徹讀徹字蒼雪滇南人住吳中中隆

別吳中諸子

相晤了無意。臨歧還黯然而看吳苑樹。獨上秣陵船。春老還山路。江昏欲雨天。白鷗略似我。聚散綠波前。

送朗癯入匡山

偶向匡廬去。安禪第幾重。九江黃葉寺。五老白雲

峰落日眠蒼兕飛泉下玉龍到時應為我致意虎

谿松看香五言有風吹殘雪樹人語夕陽山句士言有十日花開湖上路半春家在雪中山句王阮亭尚書賞之采入詩話中

越嶺千里歸計尚茫然

嶽素岑巖山嶺式脊必兩天白雲細沙外溪前結

林韻無意翻波豈熱然回香吳英詩

恨夾中箭子

飯後酌入其真中

郭貞順貞順潮陽州伯玉妻明初師下嶺南指揮俞良輔征諸塞之未服者貞順從伯玉居溪頭墨作詩上之良輔覽

詩大喜一塞得全以下名婉詩

上俞將軍



將軍開國之武臣。早附鳳翼攀龍鱗。煙雲煥淡遍  
九野。半夜捧出扶桑輪。前年引兵下南粵。眼底羣  
雄盡流血。馬蹄帶得淮河水。灑向江南作晴雪。潮  
陽僻在南海濱。十載不斷干戈塵。仁風溥被萬里  
外。天子亦念遐方民。將軍高名邁千古。五千健兒  
猛如虎。輕裘緩轡踏地來。不減襄陽晉羊祜。此時  
特奉明主恩。金印斗大龜龍紋。大開藩衛制方面。  
期以忠義酬明君。宣威布德民大悅。把菜一笠誰  
敢奪。黃犢春耕萬隴雲。羣龍夜卧干江月。去歲壺  
陽戍守時。下車愛民如愛兒。壺山蒼蒼壺水碧。父

老至今歌詠之。欲為將軍紀勲績。天家自有如椽筆。但囑壺民歌太平。磨厓勒盡韓山石。

陸美娟 奶陸德菴女馬龍妻

代父送人之新安 新安縣人

津亭楊柳碧。珍人立。東風酒半酣。萬點落花舟。一葉載將春色過江南。

沈瓊蓮 瓊蓮字瑩中烏程人弘治初選入掖庭官女學士

送弟溥試春官

少小離家侍禁闈。人間天上兩依稀。朝迎鳳輦趨青瑣。夕捧鸞書入紫微。銀燭燒殘空有夢。玉釵敲

斷未成歸。年年望汝登金籍。同補山龍。上袞衣草。

屈安人

安人華陰人副都御史直之女參議韓邦靖妻

送夫入覲

天賦無倫主與玉女遊良當

君往燕山去。棄妾雒水傍。雒水向東流。妾魂隨飛

揚。丈夫輕離別。所志在四方。努力事明主。肯為兄

女傷。君有雙老親。垂白坐高堂。晨昏妾定省。喜懼

君。自量珍重復珍重。丁寧須記將。既為遠別去。飲

余手中觴。莫辭手中觴。為君整行裝。陽關歌欲斷。

柳條絲更長。

開閣詩盡洗金粉獨標高格既取風雅亦用垂教別於時俗金粉之習

三春芳華

黃安人

安人遂寧人黃簡肅珂之女修撰楊慎澹室



寄外

雁飛曾不度衡陽。錦字何由寄永昌。三春花柳妾  
薄命。六詔風煙君斷腸。日歸日歸愁歲暮。其雨其  
雨怨朝陽。相聞空有刀鐐約。何日金雞下夜郎。重陽

韻首句或  
改衡湘

方維儀

維儀桐城人大理州大鎮之女  
適姚孫榮夫天請大歸守志

死別離

昔聞生別離。不言死別離。無論生與死。我獨身當  
之。北風吹枯桑。日夜為我悲。上視滄浪天。下無黃  
口兒。人生不如死。父母泣相持。黃鳥各東西。秋草

亦參差予生何所為死亦何所辭白日有如此我心徒自知

出塞

辭家萬里戍關路隔風煙賦重無餘餉邊荒不種田小兵知有死貪吏尚求錢倚賴君王福何時唱

凱還

旅秋聞寇

蟋蟀吟秋戶涼風起暮山衰年逢世亂故國幾時還盜賊侵南甸軍書下北關生民塗炭盡積血染

刀鏢

如讀杜老傷時之作  
聞閣中乃有此人

黃幼藻

幼藻字漢薦莆田人蘇州府通判議之

題明妃出塞圖

大外邊風撲面沙舉頭何處是中華早知身被丹

青誤但嫁巫山百姓家

亦作黃潛仲昭詩

商景蘭

景蘭會稽人吏部尚書周祚女祁公彪佳配

悼亡

公自垂千古吾猶戀一生君臣原大節兒女亦人

情折檻生前事遺碑死後名存亡雖異路貞白本

相成

曹壽奴

壽奴小字山姑崇禎間吳興女子



林夫君北行以菩提數珠留贈

百八菩提子。紅絲貫小纓。無眠後夜月。留記遠鐘

聲關合無迹

僕遜

朝鮮。遜回鶻人世居僕替河因以爲氏官端本堂正字。以下外國詩

山雨

一夜山中雨。林端風怒號。不知溪水長。抵覺釣船

高純乎天籟

申從獲

官成均直講

傷春

茶甌飲罷睡初輕。隔屋聞吹紫玉笙。燕子不來春

又去滿庭紅雨落無聲

崔

澗

澗字考沉海  
川人進士

春日

楊柳依依江水生。杏花如雪落無聲。青霞卷盡畫樓出。中有玉人吹玉笙。

成侃

晉里未詳。成侃至鄭之升見  
朝鮮采風錄官留世次俱闕

囉唵曲

為報郎君道。今年歸未遲。江頭春草綠。是妾斷腸時。

林天悌

畫堂深閣怨暮色  
春風吹柳出東城  
水波不流魚可驚  
中書

十五越溪女含羞語不發  
歸來掩重門泣向梨花

月如讀在國輔小詩

姜克誠

湖堂早起

江月曉欲沉宿雲寒未去  
但聞柔櫓聲不見舟行

處唐無名氏有煙昏不見人隱隱數聲櫓句傳寫曉景俱非畫筆能到

李仁老

題杏花鸚鵡圖

欲雨未雨春陰垂杏花一枝復兩枝  
問誰領得春



消息惟有鸚之與鴝之

鄭之升

留別

悵望溪亭夕照明綠楊如畫  
春城無人為唱陽

歸曲惟有青山送我行

情致纏綿以唐人作更翻得別

許景樊

景樊字蘭雪七歲作廣寒宮上梁文長適進士金成立成立殉國難許以節見

塞上

侵雲石磴馬蹄穿。陟盡重岡若上天。  
秋晚魚龍眠

巨壑雨晴虹蜺落。飛泉將軍鼓角行邊急。  
公主琵琶

說怨偏。日暮為君歌出塞。劍花騰躍匣中蓮。

山曾必望高臺。一騎千里寒雲。三石

層臺一柱壓嵯峨。西北浮雲接塞多。鐵峽霸圖龍

已去。穆陵秋色雁初過。山迴大陸吞三郡。水割平

原納九河。萬里登臨日將暮。醉憑青嶂獨悲歌。風格

意度俱好錢牧齋因其近七子體故亦疑之

李氏趙嬰

登樓

紅闌六曲壓銀河。瑞霧霏霏濕翠羅。明月不知滄

海暮。九疑山下白雲多。

占城貢使

江樓留別

青嶂俯樓樓。俯波遠人送客。此經過。西風楊子江。  
邊柳落葉。不如離思多。

洞庭老人

歌

八十滄浪一老翁。蘆花江上水連空。世間多少乘  
除事。良夜月明收釣筒。

無名氏

題西山清涼寺壁

山僧汲空潭。驚起二龍子。百里雲濛濛。三日雨止。